

ANIBALIS MOLES
RESPONSA DE
LEGITIMA
SUCCESSIONE IN
PORTUGALLIL-...

Annibale Moles



M. 40

2

13.4.26



ANIBALIS MOLES RESPONSA

De legitima successione in Portugallię Regnum.

Pro Rege Catholico,
&

De successione Ducatus Britannię

Pro Serenissima Infanta.



NEAPOLI,

Apud Io: Iacobum Carlinum, & Constantinum
Vitalem. M. D. C. VIII.

Superiorum permisso.

Romę Romę ministratū infirmę



D. DYDACO
DE VERA
REGIO CONSILIARIO
& in Regia Camera Summaria
Præsidenti.

D. THOMAS MOLES.



ONSTITVI tandem, te
Authore, quas olim Regia
Camera decisiones elaboravit
Anibal Moles pater meus,
cum tresdecim annos illi præ-
fuit Tribunali publica utili-
tati consecrare, & vero vel
tuis precibus, vel officio meo deesse non poteram.
Uidebam enim illas ita ementita, & decolorata
faciemanuscriptas circumferri, ut quam à de-
A 2 fur. Et

functo parente non poterant, hanc à superstite filio mihi viderentur opem implorare, Quare alteram iam partem perpolui cum Salerni Audito rem agerem, Alteram successiuis horis expediam, quas è Vicaria occupationibus licebit subfurari. Interim maiorum laborum quasi praeuias nuncias has allegationes accipe, pro Rege nostro alteram in Lusitani Regni successione, Alteram pro Serenissima filia in successione Ducatus Britannia, ab eodem elucubratas. Hinc nimirum intelliges patris mei in Regiam Maiestatem animum in hoc Regno pro Regio patrimonio collata opera non contentum, ad extera quoque Regna profuissse.



DE

DE SVCCESIONE PORTVGALLIAE.

Argumentum.

In dignitatibus, & Regnis quis fit successor, & an detur subingressio tam in linea descendenti, quàm transuersali, & de exclusione feminarum an sit perpetua, vel temporalis.

S V M M A R I V M.

- 1 *Ultima voluntas est magis fauorabilis quàm dispositio inter viuos.*
- 2 *Moriens potest quos & quot velit, heredes relinquere in suo patrimonio.*
- 3 *Hoc non procedit in Rege moriente.*
- 4 *Rex non potest esse, nisi vnus in Regno.*
- 5 *Non potest esse, nisi primogenitus.*
- 6 *Fundatur de iure gentium, & veteris testamenti.*
- 7 *Reges Hispaniarum hoc idem constituerunt.*
- 8 *Primogenitus intelligendus est tam masculus quàm fœmina, & quomodo.*

- 9 *In ſucceſſione Regnorum ſunt tres prerogatiue ſeruanda.*
- 10 *Prima eſt prerogatiua gradus.*
- 11 *Secunda eſt prerogatiua ſexus.*
- 12 *Tertia eſt prerogatiua ætatis.*
- 13 *Filii procedunt, primò in deſcendentibus, ſecundò in collateralibus.*
- 14 *In caſu præſenti nullus adeſt de linea deſcendenti, tam Sebaſtiani, quàm Henrici Regum.*
- 15 *Controuerſia in præſenti caſu præcipua eſt cum Ducſſa Bregantia.*
- 16 *Poteſt illa prætendere ſucceſſionem ex representatione patris.*
- 17 *Filij repræſentant patrem, quò ad gradum, et quò ad ſexum.*
- 18 *Lex excludens fœminas, excludit etiam mafculos ex ea.*
- 19 *Materia ſubingreſſionis diuiditur.*
- 20 *Deſcendentes repræſentant in infinitum.*
- 21 *Tam in allodijs, quàm in feudis.*
- 22 *Sed quid in ſucceſſione Regnorum, dubitarunt Doctores.*
- 23 *Varia antiqua diſſentiones, & bella ex hoc orta.*

24 Do-

- 24 *Doctores qui tenent non dari hoc casu sub-
ingressionem.*
- 25 *Exemplum in Hispania.*
- 26 *Aliud exemplum in Regno Neapolis.*
- 27 *Referuntur Doctores antiqui, qui idem te-
nuerunt.*
- 28 *Ratio Iacobi Cuiacij, cur hoc casu non detur
subingressio.*
- 29 *Sed contraria opinio comprobata est consue-
tudine, et ratione.*
- 30 *Intellectus ad l. si libertus §. si libertus. ff. de
bon. libert.*
- 31 *Affertur exemplum relatum à Plutarcho.*
- 32 *Aliud quod refert Pausanias.*
- 33 *Respōdetur ad exemplū cōtrariū in Hispania.*
- 34 *Item ad aliud in hoc Regno Neapolis.*
- 35 *Referuntur Doctores, qui tenent hoc casu da-
ri subingressionem.*
- 36 *Subingressio non datur inter transversales.*
- 37 *Fallit primo quando nepos concurrat cum
fratre defuncti.*
- 38 *Secundo quando concurrat cum patruo de-
functi.*
- 39 *His casibus postpositis nunquam datur subin-
gressio.*

40 Re-

- 40 Representatio priuilegium est, quod non debet extendi.
- 41 In casu nostro non datur subingressio.
- 42 Glossa voluit dari subingressionem, etiam quando nepotes cū patruo non concurrunt.
- 43 Contraria opinio Azonis, est magis vera, et communis.
- 44 Intellectus ad vers. illud palam nouell. Iust.
- 45 Intellectus ad vers. si vero neq; fratres, eiusdem nouell.
- 46 Tertiū et ultimū Bar. resoluitur argumētū.
- 47 Ratio diuersitatis cur detur subingressio quando cum patruo defuncti, vel fratre concurritur, & non alias.
- 48 De iure institutionum succedebant patruo nepotes soli in capita.
- 49 Ita decisum in Germania per Carolum V. Imperatorem.
- 50 Extat de hoc lex antiqua, in legibus Gothorum Hispania Regum.
- 51 Glossa fuit varia in hac opinione.
- 52 Baldus item varius.
- 53 Andreas Barbatia etiam variavit.
- 54 Azonis opinio procedit, etiam in indiuisibilibus, & ratio.

55 Ali-

- 55 *Aliqui tenuerunt, etiam cōcurrente patruo cum nepote non dari subingressiōem in successiōe Regni.*
- 56 *Couarruias tamen tenuit contrarium, & ratio.*
- 57 *Ratio cur extra illum casum inter collaterales non detur subingressio ex Napodano.*
- 58 *Concluditur pro Rege nostro contra Ducissam Bregantia.*
- 59 *Ducissa Bregantia prætendit tanquàm ex masculo præferri Philippo Regi nostro ex fœmina descendenti, duplici ratione.*
- 60 *Primæ ratio agnationis resoluitur.*
- 61 *Secunda ratio declaratur, quando infecta primitiua, inficiatur & deriuatiua.*
- 62 *Exclusio fœminarum in præsentī casu est ad tempus, & conditionata.*
- 63 *Exemplum in Regno Aragoniæ, in quo filius sororis prælatus fuit filia fratris.*
- 64 *Si tractatur de succedendo Regi D. Sebastiano, casus esset magis indubitabilis pro Rege nostro, & quare.*
- 65 *Habilitatio facta Henrico Cardinali, nunc Regi per Summum Pontificem, non potuit præiudicare iuribus per Regem no-*
B strum

strum acquisitis.

66 *Primogenitus inhabilis ad succedendum tē-
pore mortis patris, non præsertur secundo
genito habili illo eodem tempore, licet po-
stea fiat habilis.*

67 *Laudes Regis nostri Philippi Catholici.*



E si morientium dispositiones post mortem conferantur, ac propterea quasi in tempus inhabile collatæ de rigore non subsistant, l. quod sponsæ. C. de donat. ant. nupt. Cū tamen Iuris æquitate nitantur, magis quam viuentium [†] conuentiones adiuuantur, l. in testamentis. ff. de reg. iur. vnde Constantinus Imper. in l. j. C. de sacros. Eccles. *nihil est inquit quod magis hominibus debeatur, quàm quòd suprema voluntatis, post quā iam aliud velle non possunt, liber sit stylus, & licitum quod iterum non reddit arbitrium;* Hac ratione paterfamilias decedens in partibus hæreditatis constituendis liberam disponendi [†] facultatem obtinet, vt quātas, & quotcumq; voluerit, magnas, & exiguas, plurimas, & paucas, arbitrio suo constituere valeat, l. interdum §. paterfamilias. ff. de hæ. inst. cum concor. quod & antiqua Solonis lege permittebatur, de qua Plutarch. *Cum is permisisset*
pro vo-

*pro voluntate cuiusq; ni superassent filij heredem constitui, visus est amicitiam propinquitati, et gratiam necessitati preferre, per potestatem enim illam (inquit Demosth.) bonorum nostrorum distribuendorum nobis concessam, gratos, & officiosos in nos reddimus plures, quispe quidpiam à nobis accipiendi, nobis promptius operam suam, & auxilium subministrant, vnde Theodosius Imp. in novell. de test. inquit. *Inuitus nemo nec taceat, nec loquatur illud est quippe testamentum, quod testantis meram obtinet voluntatem, naturae talis est hominum, ut quosdam diligant, alios timeant, quorundam fidem intelligant eligendam, alijs nihil credendum existiment.**

3 At prædicta non procedunt Rege† decedente, is enim cum Regno datus sit, & publicæ non propriæ vtilitati destinatus, vnum tantummodo, & necessarium tenetur relinquere successorem.

4 Vnum quidē, quia in dignitatibus† quibuscunque statutum fuit, vnicum earum fore successorem c. Imperialem §. præterea ducatus de prohib. feud. alien. per Feder. in vsib. feud. & repugnant omnes iuris regulæ, in duabus personis insolidum, vnicam eandemque contineri dignitatem, glos. in l. j. C. de metrop. lib.

10. Andr. de Iser. in c. 1. de feud. March col. 1. cum concor. prout monstrum. n. esset in corpore vno duplex caput l. non sunt liberi. ff. de flat. hom. sic & in reipublicæ corpore monstruosa res esset, & deformis, bina capita in binis Regibus representata, *unum enim Imperij corpus unius animo regendum*, Tacit. anal. 1. nam vt idem inquit Annal. 4. *Arduum semper est eodem loci potentia, atq; concordia etc. discordantisq; Patria non aliud remedium esse, quam si ab uno regeretur*, Idem Hist. 1. & Lucanus scribit *Nulla fides Regni Socijs omnisq; potestas impatiens consortis erit*, Ita & nos natura docet in apibus, quarum vnus est Rex, can. in apib. 7. quæst. j. in alijsq; cunctis animantibus, & Apostol. ad Ephes. 4. inquit *Vnum Corpus, vnus Spiritus, vnus Dominus*, & Ezech. cap. 37. *Seruus meus David Rex super eos erit, et Pastor vnus erit omnium illorum*.^a

- 5 Necessarium etiam relinquetur successorem, quia primam supra relatam cōclusionem subsequitur secunda nō minus famosa, quod præsupposito vnico successore in Regno, is certè esse debeat, qui primò natus est inter proximitate pares defuncto Regi, de cuius successione agitur, nam lex naturæ à Doctoribus ius gentium

5

6 tium dictum † hoc inducit, vt qui primus na-
 scitur, regnet primus, vnde Iustin. libro 2.
Artamenes maximus natu atatis priuilegio
Regnum sibi vendicabat, quod ius, & ordo
nascendi, & natura ipsa gentium dedit,
 Et Herodot. in polymn. siue lib. 7. *Quod ma-*
ximus natu esset totius populi Darij, et quod
in more positum sit apud omnes homines, vt
primogenitus Imperium obtineat, Et alias Iu-
 stin. lib. 16. *Finito bello Ptolomeus cum ma-*
gna rerum gestarum gloria moritur, is contra
ius gentium minimo natu ex filijs antè infir-
mitatem Regnum tradiderat, Et ideo lex ve-
 teris testamenti hoc idem ius, & priuilegium
 primogenito contulit, vt referunt Io. Andr.
 Abb. & ceteri Doct. in cap. licet de voto. & Pa-
 triarcha Iacob. morti vicinus primogenito suo
 dixit, *Tu Ruben primogenitus meus prior in*
donis, maior in Imperio, Genes. cap. 49. & de
 Iosaphat. Rege Iuda, qui plures reliquerat fi-
 lios 2. paral. c. 21. *Deditquè pater suus multa*
munera etc. Regnum autem dedit Ioram, eo
quod esset primogenitus, & eadem ratione
 7 *moti antiqui Hispaniarum Reges idem sanxe-*
 runt † in l. 2. tit. 15. partit. 2. pulchris illam legē
 b rationibus exornantes. ^b Et hæc conclusio mi-
 litat

litat tam in primogenito masculo, quàm in fœ-
8 mina † hoc ordine seruato, quòd masculus fœ-
minæ præferatur, ita omni lege disponente q̃
cùm Regnum, vel feudum conceditur mascu-
lis, & fœminis, intelligatur prius concessum
masculis, postea fœminis. c. 1. §. quin etiam
Episc. vel Abb in vsib. feud. testatur Iacob. de
feud. in ver. ex feud. num 10. Cur. par. 1. princ.
ver. & fœminis num. 10. Paul. de Castr. consil.
164. lib. 2. Roman. consil. 98. Tiraquel. de pri-
mogen. quæst. 10. num. 20. Couar. variar. resol.
lib. 3. c. 5. vers. primum, & in ver. quarto nu. 5.
Molin. de primog. lib. 3. c. 4. num. 4. & sic par-
ticulariter disponente lege Hispaniæ in part. 2.
t. 15. l. 2. & part. 3. t. 18. in l. 2.

Tertia nec minus nota his conclusionibus
subnectitur, quòd in successione Regnorum
9 seruandæ sint tres † prærogatiuæ, gradus, se-
xus, & ætatis, iuxta constitutionem, quam
condidit Federicus Imper. in successione co-
mitatum, & aliarum dignitatum in hoc Re-
gno, in const. vt de successione, quod pro-
sequitur Corn. consil. 199. vol. 2. tradit etiam
Molin. de primog. lib. 3. c. 4. nu. 14. & primo
10 prærogatiua gradus, † vt ad successionem vo-
cetur gradu proximior vltimo morienti Regi,
quòd in quocumque successionis genere com-
muni iure institutum fuit, siue masculus, siue
fœmina sit, qui successurus est, ac sublata dif-
ferentia

ferentia agnationis, & cognationis. §. si verò ne-
 què fratres, & §. nullam in auth. de hæred. ab
 11 intest. ven col. 9. Secūdo prærogatiua † sexus,
 vt ad successionem veniat primò masculus, se-
 cundò fēmina, data gradus paritate, etiam si
 fēmina illa maior sit natu vt ex d. c. 1. §. quin-
 etiam Episc. vel Abb. Tertiò prærogatiua æ-
 12 tatis † inspicitur, vt ad successionem admit-
 tatur ætate maior, data gradus, & sexus simul
 equalitate, & sic inter masculos primo natus,
 & illis deficientibus inter fœminas primo etiam
 nata præferatur, nam in pari causa, vt diximus,
 natu maximis lex gentium hoc ius constituit.

Præfata verò omnia præmissa, hanc decla-
 13 rationem recipiunt, † vt intelligantur proce-
 dere in linea personæ, de cuius successionem tra-
 ctatur, iure etenim constitutum est, primos ad
 successionem vocari descendentes illorū, quos
 dicimus esse de linea morientis, prout ponde-
 rauit text. in c. 1. de nat. succ. feud. Et sic prius-
 quàm ad lineam transuersalium transeamus,
 videlicet fratrum, vel ab eis prouenientium, vi-
 dendum est an adsint de linea descendantium,
 qui si extiterint, discutiendum erit quis sit pro-
 ximior in gradu, quod si plures gradu æquales
 reperiuntur, eligendus est sexu dignior, & in
 pari sexu, ætate prior (seposito respectu om-
 ni, prioritatis, gradus, sexus, & ætatis, cetero-
 rum transuersalium, qui in considerationē non
 veniunt,

veniunt, nisi his de linea deficientibus) unde
 exempli causa Moriente Rege relicto ex vna
 fratre. quem videmus esse gradu primum, sexu
 masculum, ætate maximum, ex alia verò ne-
 pti, vel pronepti etiam annicula, quam nosci-
 mus gradu remotiorem, sexu inferiorem, & æ-
 tate minorem, non est dubium quin fratre ex-
 cluso illa ad Regnum sit vocanda, vti de linea
 ex qua omnes prius vocandi sunt, quàm ad
 transuersales deueniatur, & in his de linea tan-
 tùm præfatæ tres prærogatiuæ sunt conside-
 randæ, ità considerant feudiste, & eorum an-
 tesignanus Andr. de Ifern. in c. 1. de nat. succ.
 feud. & præ cæteris melius, & elegantius tradit
 singularis Doctor noster Regnicola, in vestra
 Hispania non cognitus Sebastianus Napoda-
 nus in consuet. huius Ciuitatis Neapolis incip.
 si moriatur ver. & omnia, in glos. in ver. ex ma-
 sculis num. 120. vsque ad finem, & in consi. in-
 cip. si quis, vel si qua num. 152. 155. & nu. 237.
 Capic. decis. 159. num. 5. Alex. consil. 5. lib. 6.
 col. 2. ver. hæc confirmo, Paul. Cast. cons. 164.
 Grat cons. 16. & Couar. pract. quæst. 38 nu. 5.

Deueniendo igitur ad casum nostrum, nul-
 14 lum in eo reperimus † de linea Regum ultimo
 mortuorum, siuè Sebastianum mortuum, siuè
 Henricum Cardinalem viuentem considere-
 mus, sed omnes transuersales ex fratribus, &
 sororibus huius Regis Henrici, descendentes
 verò

verò ex linea, & semine Emanuelis Regis, qui genuit Henricum hodie Regem, Odoardum iam defunctum, ex quo superest Catherina Ducissa Bregantiæ, Beatricem ex qua superest Emanuel Dux Sabaudia, & Isabellam Imperatricem, ex qua Philippus Rex noster, ex quibus omnibus iuxta præfatas nostras propositiones eligendi sunt tantummodò, Philippus Rex, Emanuel Dux, & Catherina Ducissa, vti cæteris proximiores in gradu ipsique inter se pares in eodem.

Sed relinquamus Ducem, qui existente Philippo, & ætate maiori, & ex Isabella primogenita nato, nihil iuris in Regno hodie prætendere potest, remanet lis dirimenda inter dictam Ducissam, & Philippum Regem nostrum, qui pares sunt in prerogativa gradus, sed dispares in sexu, cuius prerogativa cum sit in Rege nostro, remanet ius eiuidem ad Regnum evidentissimum.

Vna solum remanet difficultas, quæ ius hoc Regis nostri interturbare videtur, in beneficiū iuris à Ducissa prætensi, & est representatio personæ Odoardi patris in personam ipsius Catherinæ fil. æ, ius enim sanxit in successibus quòd filij parentum suorum personam representent, ita ut valeant ipsi non solum ingredi genitorum gradum ex tex. in §. cæterum vers. nos verò inst. de legit. agnat. succes. l. lege tabu-

G larum

larum §. huiusmodi. C. de leg. hæred. & Auth.
 de hæred. ab intest. venient. in princ sed etiam
 17 sexum, & sic † ex fœminis conuerti in mascu-
 los, & vt tales reputari virtute legis Velleiæ,
 vt not. glos. fin. in l. Gallus §. nunc de lege. ff.
 de liber. & posthum. Quo supposito Catheri-
 na Ducissa, & si fœmina representabit gradum,
 & sexum sui ascendentis, vt latè comprobatur
 idem celebris Doctor Sebastian. Napod. in d.
 consuet. si moriatur ver. & omnia in glos. 1. nu.
 103. & 105. vbi tenet filiam patris personam
 subingredientem in gradu, & sexu præferen-
 dam, vti præferendus esset eius pater, & in §.
 & omnia d. consuet. in glos. in ver. ex masculis
 num. 120. ad finem. Vnde prout Odoardus
 Infans Portugalliæ Prælatus fuisset Serenissime
 Isabellæ Imperatrici sorori, si vterque nunc
 in humanis ageret, ita & Catherina Odoardi
 filia præferri nunc debeat Philippo Isabellæ fi-
 18 lio; nec obstat quòd Philippus † sit mascu-
 lus, ipsa verò fœmina, nam lex cum fœminam
 respuit masculo existente, respuere videtur
 etiam masculos ex ea deriuantes, infecta enim
 primitiua inficitur, & deriuatiua, Bart. in l. libe-
 rorum num. 14. ff. de verb. signif. Dec. consil.
 85. in fine Crauet. cons. 22. in fin. par. j. & ante
 illos Andr. no ster in prima rubr. §. hoc autem,
 per totum, & num. 19. refert Iacobin. in ver. ex
 fœminis num. 5.

Hæc ta-

Hæc tamen Ducissæ oppositio subsequen-
 19 tibus rationibus resolvitur, & primo tota[†] sub-
 ingressionis materia fusissimè, & acutissimè à
 Doctoribus tractata bimembris est, aut enim
 versatur inter descendentes, aut inter transver-
 sales ultimi morientis.

In primo casu descendendum, cùm quis mo-
 ritur relicto ex vna filio, ex altera nepote ex
 20 præmortuo primogenito, nulla est[†] dubitatio,
 quin iuxtà communis iuris regulas nepos ille
 veniat patris personam representans, imò &
 pronepos, abnepos, & trinepos, etiamq; si da-
 retur in infinitum, Aui, Proaui, Abaui, Atai,
 & Tritai personam subingrederetur, nam ait
 Imp. in Auth. de hæred. ab intest. ven. in princ.
In hoc ordine descendendum gradū non qua-
rimus, & sic descendentes in infinitum ex pa-
 trum representatione portionem illi debitam
 sibi vendicabunt, quem successionis modum
 in stirpes lex nominavit; quod non modo locū
 sibi vendicat in bonis liberis allodialibus, ve-
 21 rum[†] etiam in feudalibus c. 1. de grad. succ. in
 feud. c. 1. de succes. feud. cum concord. allega-
 tis per Andr. ibi, & cæteros Doctores.

At cùm agitur de successionem Regni ad qđ
 plures simul vocari non possunt prout in re al-
 22 lodiali,[†] sed tantum primogenitus, præfata re-
 gula magnā temporibus elapsis passā fuit diffi-
 cultatem, adeoq; fuit quæstio difficilis reputa-

C 2 ta, vt

ta, vt multi Doctores quos citat Tiraquell. de primogen. quæst. 40. num. 11. tractauerint ex professo quæstionem, & eam reliquerint indecisam, & idem Tiraquell. altissimum dicit esse

c omniū pelagus cuius vix fundum reperias,^c

23 vnde cum Scipio Africanus † consimilem cōtrouerſiam quasi arbitrer sedare vellet, inter Corbin, & Orsuam, negarūt illi se alium Deorum vel hominum, quàm Martem Iudicem habituros, vt refert Liu. histo. lib. 38. & eadē res Bernardum Italiæ Regem ad arma aduersus Ludouicum Pium Imper. capiēda excitauit, cū diceret Imperium sibi non Ludouico deberi, quippe Pipini primogeniti filius esset Caroli Magni nepos, Ludouicus verò patruus ex Pipino patre secūdus, nec propterea si Pipinus morte præuentus esset, legitimo successionis

d iure fraudari debere,^d & à multis conclusum

24 fuit subingressionem † in Regno etiam respectu descendentiū ex recta linea Regis vltimo mortui locum non habere, & Rege mortuo tenuerūt potius secundo genitum, quàm primogeniti filium ex subingressionis defectu præferendum; Hac potissimum ratione moti, quia lex successionis Regnorum specialis est, & ad successionem vocat eum qui primò natus reperitur, & sic patruus, qui primus ortus est lege speciali vocatus excludet nepotem nō obſtante subingressione illi ex cōmuni iure aliàs

conceſ-

concessa, ità in successione Regnorum consideravit Andreas de Ifern. in c. 1. de nat. succes. feud. in ver. quærit glossa num. 14. vers. hæc essent vera in c. 1. de succes. feud. in princ. ver. repete hic quæ in c. 1. de grad. succes. in feud. nu. 4. vers. & hoc est verum in c. 1. Imper. Lotar. col. 1. & in ver. si filius fratris, & in c. Imperialem §. præterea Ducatus de prohib. feud. alien. per Feder. in quibus locis semper firmat, & fundat subingressionem etiam cessare in linea descendi, cum ad successionem vocantur certæ personæ, vt videlicet primò natus tempore mortis illius de cuius successione discutitur, allegat præcipuè tex. in l. si libertus præterito. §. si libertus. ff. de bon. lib. vbi *Si libertus intestato decesserit relictis patroni filio, & ex altero filio duobus nepotibus nepotes non admittentur quandiù filius esset, quia proximiū quemquē ad hereditatem liberti vocari manifestum est.* cum alijs concord.

Et in huius sententiæ confirmationem, (vt cætera prætermittam) duo principaliter afferuntur exempla, primum fuit † in Hispania, quia in successione Alfonsi cognomine el Sabio, Sancius secundo genitus prælatus fuit Alfonso filio Ferdinandi primogeniti dicti communiter dela Cerda, ex consilio Iacobi Secundi Aragonei, & Dionysij Portugalliæ Regum, vt re-

vt refert inter modernos Stephan. Garib. lib.
13. compen. hift. c. 7. 10. 12. 14. 30. & lib. 14.
26 c. 6. aliud affertur exemplum † in hoc Regno
nostro Neapolitano in anno 1309. quo cum
Carolus Rex obijisset relicto Carolo Number-
to nepote ex filio primogenito, relictisq; filijs.
Ludouico tunc Tholosano Episcopo secūdo
genito, & Roberto tertio genito, exorta fuit al-
tercatio super successione Regni inter Rober-
tum, & Carolum Numbertum (nam Lodouic-
us, qui Roberto præferendus fuisset, vti Epi-
scopus, inhabilis effectus fuerat ad regnādum)
Roberto vti gradu proximior, & ætate ma-
iore ad successionem de iure se vocatum præ-
tendente, Carolo autem vti patris personam
representante, quæ determinata fuit per sedem
Apostolicam in Concistorio die primo Augu-
sti eiusdem anni in fauorem secūdo geniti Ru-
berti, subingressione nepotis non admissa, quā
sententiam dixit Bal. in l. liberti. C. de oper. li-
bert. & in l. cum antiquioribus. C. de iur. delib.
promulgatā fuisse à Pontifice Bonifacio VIII.
Maximo iurista conditore libri sexti decreta-
lium, in quo Doctores dicūt errorem aliquem
non inueniri, licet in hoc errauerit Bald. eumq;
sequuti, cū verè sententia lata fuerit à Cle-
mēte Quinto, vt ex eius inuestitura in Rober-
ti personam in nostro Neapolitano Archiuio
adhuc hodie existente sub data 26. Augusti
eiusdem

eiusdem anni 1309. clarè constat. quo tempore Bonifacius iam erat sex decursis annis vita functus; quæ Summi Pontificis sententia, utputè cui summa inest potestas, summaq; debetur reuerentia, adeo illorum temporum Doctores terruit, ut cōtrariam tenere, vel defendere amplius ausi non fuerint, sed potius illam sequentes affirmauerint in puncto iuris subingressio-

27 nem in Regni successionem non admitti. † Germanian. Riccard. Imol. Franc. Alex. Ias. & alij plures multis in locis relati, & potissimum à Ioan. Cirier. de primogen. quæst. 25. lib. 1. & præter ab eo allegatos hanc eandem opinionem tenuerunt Anto. de Rosellis in tract. de success. ab intest. col. 31. Anto. de Prato veter. in repet. l. in quartam in 6. quæst. ff. ad leg. Falcid. Gugl. de Pern. conf. 13. Dec. conf. 443. Luc. de Pen. in l. si quis in fine C. de procur. sacr. scrip. & in l. fin. C. de Tiron. lib. 12. & in l. j. C. de priuil. eorūdem, eod. lib. Afflict. in c. 1. de success. feud. num. 89. disputans ad partes articulum viginti illinc adductis argumētis, & Iacob. Cuiac. inter Neotericos doctissimus in c. 1. de grad. success. in feud. qui eandem opinionem firmat per rationem ab Andrea de Isernia supra relata, adducitq; aliam ipse magni quidem ponderis

28 meo Iudicio, † quòd subingressio à lege inducta fuerit in fauorem nepotum, ut cum patruo ad habendam partem concurrerent, non ut ipsi sum

sum à tota parte excluderent, vnde in Regno, quod non patitur diuisionem meritò patruus tanquam proximior est vocandus.

Hac tamen communi antiquorum post sententiam Pontificiam determinatione non obstante eorumque rationibus non officientibus, 29 contraria subsequētibz † temporibus præualuit opinio, eaque indistinctè sit eueniētibz casibus decisa, perpetuaque seruata consuetudine, vt nepos ex primogenito præmortuo natus secundo genito patruo suo præferatur iuxta communis iuris ciuilis sanctiones, & fuit etiā antiqua opinio Petr. de Bellapert. in l. paterfamilias § quindecim C. de leg. num. 13. vers. & in contrarium resoluunt, sicq; in hoc Regno seruatum fuisse refert Grammat. decis. j. eundemque seruari morem in Gallia, referunt scriptores Galli, ex lege lata, cui nos videmus cōsimilem conditā in Regnis Castellæ, vt in par. 2. tit. 15. & in l. 40. taur. relata per Couar. in c. 38. pract. quæst. nu. 67. qui vti fuit vir doctus, considerat in fauorem nepotis rationem vnā præ cæteris efficacem, quòd lex successionis Regnorum vocans primogenitos vocasse videatur totam lineam ipsorū, & prout ex communis legis dispositione omnes descendentes cūctis collateralibus præferuntur, sic vocata, & vocatis ex speciali lege successionis ad Regna, primogenitura, & primogenitis, omnes ex eorum

eorum linea viuentes præferendi erunt, cessante gradus prærogatiua, quæ non potest, nec debet patrum secundo genitum iuuare, vt inõ ex linea primo geniti, cuius quidem linea non persona vocata censetur, quam celebrem considerationem, & si Couar. asserat nouam esse sui que ingenij fœtum (vt & ego opinor) inueni tamen eam ante ipsum adductam à Doctore haud minus celebri Sebast. Napod. in d. cõsuet. si moriatur vers. & omnia nu. 118. & 110. nec peritus incognitã, & omissam à Paul. Cast. conf. 164. in causa maioratus Don Petri a fan de Ribera Hispalens. in 6. col. vers. ad secundum respondetur.

- Nec obstat. tex. in d. §. si libertus, quia omittendo varias solutiones à Doctoribus relatas, ibi meritò concludit Iurisc. nepotes non admit-
 30 tendos, ex quo materia de qua agebatur suadebat proximos tantum esse filios, cum non tractetur de succedendo auo, vel alteri ascendenti, nec transuersali in casibus permissis, i. referendis, sed tantum de succedendo liberto, qui non est nequẽ ascendens, nequẽ transuersalis, vt
 e cessent insomnia aliquorum, qui fauore libertatis id esse, assererent ne libertus cogatur habere plures patronos, hoc. n. in consideratione nõ habetur, vt in §. sequenti ibi, *Si autem ex duobus patronis alter unum filium alter duos reliquisset, dixi viriles inter eos partes fieri.*^f

D

Nec pro

Nec pro hac parte nepotum antiqua etiam
deficiunt exempla, nam Plutarch. in vita Li-
31 curgi scribit, cum † Eunomus Lacedemonio-
rum Rex duos filios haberet Polidetem, &
Licurgum, Polidettes autem nullo filio super-
stite decessisset, atq; ob eam causam Eunomo
mortuo Regni hæreditas Licurgo delata fuisset,
regnassetq; menses circiter octo, post cùm
Polidettis vidua filium peperisset Licurgum
g ei coronam cessisse Pausanias quoque lib. 3.
32 scribit Cleomene † Lacedemoniorum Rege
mortuo, litem de Regni hæreditate positam
inter Areum ex Acrotato primo filio demor-
tuo cepotem, & Cleomenem secundum filium
ipsius Arei patrum, Senatui autē Areo Re-
h gnum adiudicasse, ^h & multa alia per Doct. af-
feruntur exempla, quæ breuitatis causa non
refero.

Et ad cōtraria relata solutiones afferuntur,
33 quia quod attinet ad Primū de Sancio Prælato
Alfonso filio ex Ferdinādo primogenito, plu-
ra pro solutione sunt aduerenda. Nām vltra
q̄ vt idem Stephan. Garib. lib. 13. c. 14. 15. &
16. refert tunc in Hispania lex aliqua non ex-
tabat hoc determinans, nisi postmodum à Fer-
dinādo, & Elifabetha Regibus lata, vt ex l. 40.
Tau. non omnes Regni Castellæ, & legionis
vniuersitates iurauerunt Sancio vt futuro Re-
gi, & quæ iuramentum præstiterunt, id potius
vi, &

vi. & metu, quam sponte fecerunt, erat. n. Sancius moribus superbus & ferox, vnde ei cognomen el Brauo, & vt refert Ric. lib. 3. Hispan. quatuor hominum millia trucidari iussit, quod in tumultu quodam Alfonso nepotem Regem appellassent, eo adeo vt ausus fuerit non modo subditos cogere ad iurandum ei, vt Principi, & futuro successori, sed insurgere aduersus patrem, & ipsum expellere à Regno, quinimò (quod iniquius) eundem parentem per iudices ab eo electos solemnī sententia priuatum à iure Regni declarauit, quam Regni priuationem euenisse credendum est Alfonso Regi ob iniustitiam, quam prius exercuit in Alfonso nepotem, vnde postea & idem met Alfonso consciētię stimulo agitated, voluit à principio Regnū Ioannense nepoti ex primo genito concedere, sed renuit Sancius, & impugnauit, inde verò crescente Sancij impietate Alfonso idem in anno 1283. Sancium eundem filium à successione Regni priuatum declarauit, absoluēs cunctos subditos à fidelitate eidem, vt Principi promissa, & publica sententia reliquit maledictum, confirmauitq; hoc vltimis suis tabulis die 8. Nouembris 1283. in quibus declarauit nepotem ex primo genito Regni successorem.

34 Ad secundum verò † de sententia Pontificia respondetur cum Baldo, qui dixit quòd sedes Apostolica in illa ferenda sentētia in fauorem

D 2 patruī,

patrui, potissimum subditorum huius Regni beneficio prospexerat, Carolus quidem Numbertus in Vngheria degebat, vnde malè poterat hos subditos existètes in Italia regere, Robertus verò præsens erat, tū ille iam erat Rex, & sic Regno vno contentus esse debuerat, & potuerat, Robertus verò vixisset Regni dignissimus, erat enim Salomon alter inferendis sententijs, quod & confirmant eius imagines, & picturæ antiquissimæ quarum ad pedes lupus, & agnus adstabant, vnde non mirum si postea effectus Rex in iudicando contrarium decedit eius quod in persona sua iudicatum fuerat, ad iudicando Comitatum Sancti Seuerini nepoti cuidam excluso patruo, prout retulit Barbat. consil. 10. vol. 2. subdens Robertum Regem aliud iussisse, vt iudicem, aliud voluisse vt partem, hocque idem dixit Bald. in l. si viua. C. de bon. mater. & in l. liberti libertæq; col. 5. vers. sed dubitatur, Pontificem inquiring in illa sententia fuisse magis partialem, quàm Apostolicum.ⁱ

Et pro hac vltima, & vera opinione in fauor-
 35 rem nepotis non defuerunt Doctores † haud quidem prioribus siuè numero, siuè autoritate inferiores, Oldrad. Alex. Ioan. Andr. Abb. Castr. Aretin. & Barbat. asserens consil. 10. Doctores hanc opinionem tenentes maiores ceteris esse, numero, pondere, & mensura, Ioannes Fabr.

Fabr. Soc. Felin. & alij, quos retulit Cirier. vbi supra.

Hæcque omnia sint respectu primi puncti in subgressionis materia, de quo casus præsens noster non est, sed in secundo casu principali de successione transuersalium, cum quis moritur sine filiis, & sine descendētibus ex femine suo, relictis tantum filiis fratris, quos lex transuersales appellat, tunc quidem aliter se
36 habet subingressionis materia † ex legum, & communium iurium dispositione, nam indubitata res est, in huiusmodi casu subingressionē non admitti, imò expressè prohiberi ex l. lege duodecim tabularum C. de legit. hæred. & in authen. post fratres la 2. C. eod. & in §. si plures institu. de legit. agnat. succes. in quibus iuribus decisum est inter collaterales in stirpes non dari successionem, scilicet per representationem, sed in capita, quod omnes eiusdem gradus siue masculi, siue sint scēminæ ex eadem tamē linea, seu stipite derivantes, pro æquali portione succedant.

At non inficiamur inter Collaterales eosdē, adhuc duos esse casus in quibus successio datur subingressionis beneficio ab Imper. Iustin. in suis nouellis admissos, & hi sunt, cum quidā
37 † moritur sine filiis relicto tantum ex vna fratre, ex altera verò filio seu filiis fratris alterius præmortui, tunc enim filij illi, nepotes vltimò morien-

morientis possunt subingredi personam patris,
 & concurrere ad eandem patruum ultimo loco
 mortui successionem. Cum altero patruo vi-
 uente in stirpes, videlicet pro ea parte quam
 pater eorum si vixisset esset habiturus, diuiden-
 da inter omnes ipsos in auth. de hæred. ab inte-
 stat. §. si igitur defunctus ad exemplum diuini
 iuris quod ius istud representationis nō modo
 probauit, sed & fratrum filios fratres appella-
 uit, sic. n. Abrahā cum bona diuiderentur inter
 se & Loth addit hæc verba *frater enim meus*
est. Et hoc idem institutum fuit in successio-
 ne feudorum in cap. 1. de grad. succes. in feud.
 38 Item & alter casus cū in successione defun-
 cti eius patruus, & fratris filius concurrat, hoc
 enim etiam casu, & si omnes sint in tertio gra-
 du nepos tamen patris personam representan-
 do excludet patruū defuncti ex subingressio-
 nis beneficio in §. illud palā eiusdem Auth. his
 39 tamen casibus postpositis † non reperitur in
 iure alter admissus, vt remotior gradu cū pro-
 ximiori concurrat, & sic aiunt Doct. textum
 præfatum esse iuris communis correctorium,
 40 & priuilegium, quod extendi † non possit de
 1 casu ad casum † vnde exempli gratia in quoli-
 bet alio casu, si quis morietur sine filiis relicto
 patruo, & filio alterius patruum eius patrueli, sub-
 ingressio patrueli non daretur, sed patruus de
 iure succederet, iuxta textum in l. auunculo
 C. com-

m C. comm. de succel. ^m & dixit Napod. in con-
 si quis, vel si qua in glos. j. magna vers. in colla-
 teraliibus verò num. 136. & sequen.

Et in casu nostro cùm concurrunt duo ne-
 41 potes t ad successionē Chij, vt erit morte sub-
 sequenda Serenissimi Regis Portugalliæ Hen-
 rici nunc viuentis, vel in casu fortiori cùm con-
 currunt dos tios segundos ad successionem de
 vn sobrino secundo, vt fuit morte sequuta Se-
 renissimi Regis Sebastiani, in his duobus casu-
 bus, & in ipsorum quolibet, remanet benè pro-
 batum subingressionem non dari, cùm lex ali-
 qua hoc non constituat, imò contrarium dispo-
 situm reperimus in allegata l. lege duodecim ta-
 bularum cùm concord.

Non ignoro glossæ sententiam fuisse, quòd
 42 concurrētibus t simul ex vna duobus vel plu-
 ribus, ex altera vno vel etiam pluribus simul
 inter se patruelibus nepotibus ex fratribus ad
 successionem communis patruī, nullo alio su-
 perstite patruo, tūc successio esse etiam debeat
 n in stirpes, & non in capita, ⁿ vā sic quilibet suc-
 cedat representando personam patris non suā,
 & vnus præmortui locum suppleat, ac simul
 tantum auferāt, quantū is cuius in locum om-
 nes subrogantur successionē tulisset, ita vt in
 effectu semper filij fratrum ipsum patrem re-
 presentent, etiam quando soli ipsi inter ipsos
 non modo quādo cum eorum, vel defuncti pa-
 truo

truo concurrunt, quam glossæ opinionem sequuti sunt Bart. in l. post consanguineos §. hæreditas. ff. de suis, & legitim. & in cons. 173. in eandem iuisse sententiam referens Dyn. Cyn. & Iacob. de Arena, & Accursij consilium se vidisse, Iacob. de Beluis. Bellapert. Gugliel. de Cun Francisc. de Ranpon. Ioan. Fabr. & alij, quos cumulât Tiraquel. & Maturin. Montan. in repet. d. auth. in §. si igitur vers. ad sunt multo plures, & testatur de communi Conrad. Lag. in method. iur. ciuil. par. 2. c. 59. numero 35. folio 280.

Sed magis cōmunis aduersa emerfit opinio temporibus nostris ex Armenopulo, & Azone, quem olim sequuti etiā fuerunt omnes Doctores antè glossam, vt testatur Bal. in c. 1. de natur. succes. feud. Iacob. Butrig. Odoffred. Alberic. Bald. & Salic. in auth. cessante affirmantes hanc magis communem sentētiā esse, q̃ patrueles isti patruo successuri in capita succedere debeant & non in stirpes, nulla considerata patrum representatione, cum alijs cumulatis per Tiraquel. & Montan.

Probat hoc clarè Iustin. nouella in auth. de hæred. ab intest. ven. coll. 9. in §. si igitur ver. huiusmodi, cum. n. Imperat. fratrū filios cū defuncti fratre superstite concurrentes singulari beneficio per representationem patrum ad successionem admiserit, *Huiusmodi verò* inquit
priuile-

privilegiū in hoc ordine cognationis solis præbemus fratrum masculorum, & fœminarum filijs, et filiabus, ut in suorum parentū iura succedant nulli alij persona ex hoc ordine venienti hoc ius largimur, sed et ipsis fratrum filijs tunc hoc beneficium concedimus, quando cum proprijs vocantur Chijs masculis, et fœminis, siue paterni, siue materni sint. cum quo concordat Pragmatica, quam Iustineas leges compilando Michaelis Duce
 o Imperatoris iussu edidit Michael Attaliata ° proconsul & Iudex in c. 41. ibi. Huiusmodi verò privilegium in eodem cognationis ordine solis fratrum sororumq; filijs, aut filiabus damus, ut in parentum suorum iura succedant, quippe nulli prorsus alia persona, quæ hoc ordine venit hoc ius, concedimus, & inferius Iustinianus quandoquidem fratris, & sororis filijs tale privilegium dedimus, ut in proprium parentum succedentes locum, soli in tertio cōstituti gradu cū his, qui in secūdo gradu sunt, vocentur, quæ verba præcisa, solum omninò tunc, cum prægnanter præcidant, omnem detorsionem, omnem extensionem abnegant.

Nec obſt. verſ. illud palam, quem pro Accurfio omnes ponderant, in quo præponuntur
 E filij

filij fratris defuncti Tijs eiusdem defuncti, qui
in tertio sunt gradu constituti vt supra retuli-
44 mus, nam † etiam hoc casu representant, & ex
nouo priuilegio ad alterius exclusionem ve-
niunt, & illud palam esse dicit Iustinianus nō
quia hoc casu absque representatione exclu-
deretur patruus, quod sit in ordine minus fa-
uorabili lateralium, quàm filij fratris, qui sunt
de Collateralibus inferioribus, cū illi sint de
superioribus, vt aliqui dicunt ex glossa iunct.
p tex. inst. de success. cognat. nulla enim ^p lege
probari potest nequē codicis, neque pandecta-
rum, quod descēdentes laterales in pari gradu
cum ascēdētibus lateralibus vsq̃ iam illos ex-
cludant, imò in §. si verò neque fratres eiusdem
auth. clarè contrarium deciditur ibi *ad here-
ditatem vocamus secundum unius cuiusque
gradus prerogatiuam, vt viciniore gradu
ipsi reliquis preponantur, si autem plurimi
eiusdem gradus inueniantur secundum per-
sonarū numerū inter eos hereditas diuidatur,*
Sed palam dicit esse, id est aperta, & clara ratio-
ne ad istum casum de nouo etiam in represen-
tatione, includendum motum esse, vt quia iniu-
stum videatur dum concurrunt cum his, qui
sunt in citeriori gradu, non eodem beneficio
excludāt eos, qui sunt in vltiori, vt deduxis-
se etiam videtur Irner. in trāslatione auth. post
fratres

fratres C. de suis, & legit. ibi, *hi autem fratrum filij cum pares sint defuncti fratribus præferuntur absque dubio eiusdem defuncti patris, et alijs similibus*, & clarius etiam ex Attalia-ta ubi supra colligitur, qui cum solis his qui sunt in tertio gradu concurrentibus cum his, qui sunt in secundo constituti, privilegiū concedi dicat, statim manifestum esse dicit excludere illos, qui in tertio sunt gradu cōstituti ibi, *quando igitur fratris sororisq; liberis tale privilegium tribuimus, ut in locum parentum succedentes licet tertij gradus existant, soli cum hijs, qui in primo secundo vè gradu sunt ad successionem vocentur. hoc sanè manifestum est eos patris defuncti matris, atque fœminis paterno, materno vè genere prognatis præferri, quamvis ij tertium similiter cognationis gradum obtineat.*

Minus obstat verſ. si verò neque fratres, vbi subdit Iustinianus vocari cognatos hac conditione si defunctus neque fratres, neque fratrum filios reliquerit, quasi fratrum filij etiam soli ex his verbis per representationem admittantur; 15 † nam addit Imperator, *ut diximus* & hac adiectione de filijs fratrum omnem subſtulit dubitationem, demonstrat enim se non loqui de his separatim inter se & solis succedentibus, sed

E 2 succe-

succedētibus vnà & coniunctim cum fratribus defuncti, nam de illis hæctenus dixerat, vt eos vocaret solum cum defuncti fratribus.

Et demùm non obstat vltimum quo vtitur
46 Bartolus argumentũ, quod secundum [†] Azonis sententiam, cùm priuilegium illud detur solum in casu concurrentiæ cum patruo, dum casus succederet quo quis decederet relicto fratre, & filijs ex duobus fratribus, succederent illi respectu patru in stirpes ex quo eorum patruus tertiam integram partem haberet, & inter eos in capita, cùm tamen contrarium statuat Imperator, vt etiam eo casu inter eos succedant in stirpes, & consequentiam deducit Bart. ex l. qui complures. ff. de vulg. & pupil. subst. vbi in casu quo testator quatuor hæredes instituerit pro diuersis inæqualibus portionibus, ac vni ipsorum tantum vulgariter substituerit, & Titium, & tres reliquos cohæredes, cùm casus substitutionis euenerit, succedet Titius pro numero personarum pro integra quarta parte, & tres reliqui cohæredes pro portionibus hæreditarijs; nam omittendo varias per Doctores adductas solutiones, respondetur nõ ideo cohæredes ibi pro hæreditarijs portionibus succedere, quia Titius adiunctus fuit ita q̃ pro numero personarum successissent si Titius substitutus non esset, nam nulli dubium est qđ eadē ratione pro hæreditarijs portionibus successis-

cessissent, & si de Titio nulla mentio facta fuisset, ex illa generali decisionis ratione, quam ibi glossa ponit in ver. hereditarias. quod videatur testator easdem partes quas in institutione, repetisse in substitutione ex l. si plures eod. tit. unde Bald. ibi notat qd disiuncti in institutione intelligantur disiuncti in substitutione, quod non est in casu nostro, vbi propter illum concursum cum patruo succedunt nepotes ex persona eorum patris, qui si patruus nullus concurreret possent ex propria persona succedere.^q

Vera ergo est opinio, tunc solum representationis beneficiū fratrum filijs concessisse Iustinianum, quando concurrunt cum proprijs
 47 Tijs, & non aliter, t ea enim benignitatis ratio, quæ illum ad istud nouum ius instituendū induxit, vt pars aliqua miseris propinquis concederetur, qui antea nullam habebant, in hoc altero casu non militat, nam antiquo iure prospectum illis fuerat, aditusque ad hereditatem patrui æquè vt alijs patebat in capita, l. 2. §. hæreditas. ff. de suis, & legit. hæred. ibi *Et si plures sint eiusdem gradus omnibus competit, scilicet utputa si duos fratres habui, vel duos patruos, vnus ex his vnum filium, alius duos reliquit, hæreditas mea in tres partes diuidetur,*
 r
 48 imò etiam Iustiniano t iure illi in capita succedebant antè nouellam, vt in §. non solum instit. de leg. agn. succ. & clarius declarat Theophilus

f philus^f inst. eod tit. §. his ità ibi. *Verum hodie ex his, quæ à Principe nostro inuenta sunt ipsa filio fratris præferetur ius agnate habens ex constitutione, quod autem dicitur in capite, sic intelligendum est, veluti euenit vt intestatus moreretur relictis fratris, et sororis iam tunc mortuorum filijs, sed fratris quidem erant tres, aut quatuor, sororis autem duo, aut unus, non est dicendum filios sororis dimidiam partem, et filios fratris alteram dimidiam accepturos, verum in capita fiet diuisio, Et fratris filij cum quatuor sint, quatuor partes habebunt, sororis autem duas, vnde improvidens fuisset Imperator eos vestire, qui non erant nudi, vulneribus mederi cum sani essent, baculo & tibiccine eos sustentare, qui ambulare proprijs viribus potuerant; Item, & alium adiunctum esse casum, per eundem Iustinianum Imperatorem, quando cum defuncti patruis fratris filij concurrant, quia cum per nouum illū supra relatum casum illi concurrant cum fratre defuncti, iniustum videbatur Imperat. non etiā defuncti patruos excluderent in tertio gradu constitutos, qui à fratribus illis absque dubio fuissent exclusi vt supra diximus.*

Aliæ autem rationes fusius per Doctores allegantur ab antiquioribus feudistis Iacob. Ar-
diz in

diz.in tit.de success.feud.Iacob de Beluif.in c.
 1. de nat.succ. feud.& à modernioribus Vdal-
 ric. Zas. lib. 1. resp. 7. & lib. 1. conf. 4. qui refert
 49 eo patrocinantet sic decisum per Carolum V.
 Imper.in conuētu ordinum spire in anno 1529.

Addo & de hoc extare legem particularem
 cōditam per Regem Flauium Recaredum ex
 50 Gothis † Hispaniæ Regem qui Tholeti regna-
 bant, fitam in tit. 2. l. 8. lib. 4. qui olim liber iu-
 t dicum hodie fuero Iuzgo nuncupatur tibi
 (*Si aquelque morre nò ha hermanos, nen her-
 manas, mas adun hermano, ò sobrino, e d'o-
 tras hermanas ha mochos, todos los sobrinos,
 deuen partir egualmiente su buena por cabe-
 ças el Rey Don Flauio Rescindo fizo esta ley,*)
 qui regnauit de anno 586. fuit fide prius, & pa-
 ce præclarus, Ecclesiam Toletanam fundauit,
 & ab eo communis & recepta scribentium sen-
 tentia est, recta linea descendere Hispaniæ Re-
 ges à Pelagio vsque ad Regem nostrum Phi-
 lippum, vt narrat Alphonsus de Villadiego in
 eius Chronica Regum Gothorum.

Nec est magnificienda authoritas glossę, vt
 quæ non solum textibus vt supra demonstra-
 51 uimus, sed sibi ipsi dissidet, † nam quamuis ali-
 bi contra Azonem tenuerit, tamen inst. de leg.
 agn. succel. §. hoc etiam eius doctrinam ample-
 ctitur, quo nomine tanquàm testis varius quid
 fidei

fidei habeat facile iudicari potest (inquit Iacob. Spieg. in lexic. in ver. in capita) qui etiam aduertit q̄ legendo Azonem, consulendo ab eo recessit, vt dicit Bar. vbi supra, quæ variatio quid notet nutu intelligitur, nō enim ignoramus in consilijs inesse quæstum & lucrum, sic
 52 & Bal. † quamuis pro glossæ opinione aliquando consulisset, tamen in d. auth. cessante, ab ea recessit, *Ego timens*, inquit, *recedere à glossis in consulendo etiam consului secundum glossas, modo videtur mihi quod opinio Azonis, & sequacium sit magis consonaliter, et natura*, & Andreas Barb. doctissimus Iurisconsultus † cum etiam pro Accursij opinione consulisset, tamen in suis additionibus quas ad Baldū in d. auth. cessante forte sine lucro scripsit, post recitatam Salyceti doctrinam, rem eā cogitandam reliquit.

Quod si Azonis opinio locum habet in bonis allodialibus, & diuisionem patiētibus, multo magis in indiuisibilibus procedet, † & in ijs
 54 in quibus vnus tantum successor esse debet, vt in feudis, & Regnis, quæ primogenito conferuntur; hocq; duplici ratione, & prima, quia vbi primogenitura inest perneceffe subsequitur prælatio vnus & exclusio cæterorum, vnde Doctores multi qui tenuerunt inter patrueles subingressionem admitti etiam quando cū patruo non concurrunt, illam tamen admitti
 nega-

negarunt casu quo propter illam fieret prælatio vnus, & exclusio alterius, nam tunc vt in casu odioso restrinxerunt se ad regulam legis mandantis inter Collaterales subingressionem non admitti; secūda quia si inter descendentes in quibus lex subingressionem concessit indistinctè vsquē ad infinitum, cū sumus in casu primogenituræ, & successionis Regni, tanta exorta fuit inter Doctores altercatio, & contrarietas an nepos subingredi possit. parentis personam ad excludendum patrum, vt supra retulimus, quanto magis iure quidem sustineri poterit inter transuersales in quibus lex subingressionem eandem expressè prohibuit, & vetauit, qua valida ratione compulsi Doctores quidam affirmarunt etiam in casu illo quo inter Collaterales (nepote scilicet concurrente cum altero patruo ad successionem patru) subingressio de iure admittitur, si tunc de primogenitura agendum sit, locum tunc non dari subingressioni, quia iura voluerint nepotē patruo æquare, non præferre, Afflict. in c. 1. de grad. succ. in feud. n. 18. & in c. omnes filij si de feud. defunct. milit. in quæst. quam ponit n. 11. & decidit num. 31. Anton. de Butr. conf. 48. & antè eos Andr. de Isern. in const. Reg. incip. vt de successionibus, & quàmuis alij communiter contrarium teneant. Couar. & pract. quæst. c. 38. nu. 10. vers. 3. ad intellectum sequens Soc.

F cin. in

cin. in conf. pofito in leſturis poſt titul. quis
& à quo appel. & Tiraquél. de primog. q. 4. 1.
tamen extrà hunc caſum concurrentiæ nepo-
tis cum patruo, & in quolibet alio, & ſic in ca-
ſu noſtro, nec Couar. nec Soccin. nec Tiraqu.
nec alius qui ſcripta reliquit affirmavit admiſſa
57 primogenitura inter Collaterales dari ſubin-
greſſionem, & ratio eſt manifeſta, † quia nō po-
teſt repreſentare nepos ipſe primogenituram,
quam eius pater non habuit, ille enim nunquā
fuit genitus, neque primogenitus, neq; primo-
genitura vnquam potitus fuit, ita ſingulariter
ad hoc propoſitum dixit, vir mihi ſemper ad-
mirabilis Napod. in ſepius alleg. cōſuet. ſi mo-
riatur. ver. & omnia in glos in ver. ex maſculis
num. 120. quia ubi non adeſt ſimplum, nec po-
teſt adeſſe compoſitum l. ſi tibi. ff. de opti. leg.
Affl. in d. c. omnes ſi de feud. defun. mil. fuer.
controu.

Ex quibus nulla alia remanet meo iudicio in
hoc articulo diſputatio, cum enim Rex noſter
58 † nepos ſit, & in eodem gradu ſcēmina Duciffa
Bregantiæ, & repreſentatio non ſit admiſſa,
clare remanet pro Rege noſtro euidentiffimū
ius a d Regni Portugalliæ ſucceſſionem.

Niſi demum diceretur Illuſtriſſimam Du-
59 ciſſam † Bregantiæ vti ex maſculo descenden-
tem præferendam, Philippum verò Regem no-
ſtrum vti ex ſcēmina poſtponendum.

Quæ ta-

Quæ tamen non obstant, nam supposito ex supradictis hoc in ratione subingressionis fundari non posse, aut hoc asseritur supponendo quod Rex noster cognatus sit uti ex fœmina proveniens. Illustris. verò Ducissa agnatus uti ex masculo; aut quia exclusa Serenissima Isabella Imperatrice ut fœmina, exclusus videatur ex ea descendens, ex regula illa vulgata, q̄ infecta primitiva, inficitur derivativa.

- 60 Et quò ad primum respondetur t̄ falsum esse præsuppositum, nam iuxta posteriores Iusti. Imper leges agnatus tam est ex fœmina, quàm ex masculo natus, si de vno eodemque stipite, vterque proveniet sublata in omnibus agnationis, & cognationis differentia, tex. est in d.l. lege duodecim tabularum, & in d. §. cæterum ver. nouero in fi. de legit. agnat. succ. dixit Bal. in d. auth. cessante, & firmavit Napodan. in d. cons. si moriatur vers. & omnia in prima glossa. Tum etiam quia si concederetur à nobis Regem nostrum, ut ex fœmina natum cognatum dici, eadem ratione ex altera parte concedendum esset Illustris. Ducissam cognatam etiam esse uti fœminam, nam si Serenissimæ Imperatrici non profuisset esse filiam Emanuelis Regis, nec proderit Illustris. Ducissæ natam se filiam Odoardi Infantis Portugalliæ, & sic vterque cognatus appellandus esset, & ipsa Ducissa & Rex noster, licet re vera & illa, & hic agna-

F 2 tus sit

tus sit censendus.

- 61 Quò ad secundum animaduertitur † tunc demum infectam dici primitiuam, cum foemina in totum, & penitus à successione excluditur, vt in feudis inspecto iure communi feudorum, tunc enim filius ex ipsa descēdens vti deriuatiua, & si masculus, infectus putaretur, ita Andr. de Iser. in c. 1. §. & quia de his qui feud. dar. poss. & in c. 1. de eo qui sibi vel hæred. suis masc. & ita procedit decisio Bart. in l. si liberorum. ff. de verb. signif. at cum foemina habilis est ad succedendum, vt in casu nostro, sed tantummodò excluditur à masculo in eodem graduistente, tunc dici non potest infecta primitiua, & filius ex ea proueniens succedet, licet ipsa minimè ex casu successerit, ita singulariter Napod. in d. cons. si moriatur ver. & omnia in prima glossa, vbi loquens in terminis constitutionis huius Regni foeminas ad successionem feudorum admittentis, cum qualitate tamen
- u quòd masculi præferantur ^u non obstante communi lege feudorum eas penitus excludente dicit hæc verba *nepos ex filia, quæ poterat in feudo succedere virtute constitutionis Regni, admittitur sicut eius mater non ex sexu matris, sed quia illa non fuit exclusa, & per consequens nec eius filius, sexus enim foemineus non est omnimodo exclusus vt inhabitabilis nisi*

lis nisi quando concurrat cum masculo, quia tunc masculus sibi præsertur, et femina tunc non repellitur, ut omnino et indistinctè inhabilis, sed ut minus habilis, quam masculus cum quo concurrat, dixitq; ad hoc Math. de Affl. in c. 1. de eo qui sibi, & hæred. suis mascul. auctoritatem Napodani tãtam esse, quod opinionis suæ aduersari esset ponere os in cælum; Exclusio igitur fœminarum à regnando conditionata, ad tempus, & ob causam est, † cessante igitur conditione illa, tempore. & causa, videlicet cum masculi deficiunt, cessat & ipsa exclusio, nam (ut dixit Bal.) amoto impedimento per obitum masculorum ipsa amotio impedimenti retrofingit impedimentum nunquam fuisse, suspendit etenim existētia masculorum non priuat, porro aliud est suspendere, aliud est tollere l. hæreditas §. 1. ff. de hæred. instit. & iura habentia causam ad tempus ex tempore pereunt cap. cum bone de cõtat. & qualit. & exclusio temporalis ad perpetuam trahi non potest l. epistola §. fin. ff. de pact. pro ut hæc omnia refert Anchar. conf. 339. num. 9.

Tandē hoc ius Regis nostri tot rationibus, & legibus communitum adiuuatur etiam exē-
 53 plis, nam † in anno 1411. Martino Aragoniæ Rege sine prole defuncto, cum ad successionē inter alios plures concurrerent Violanta fratris fi-



tris filia, & Ferdinādus sororis filius, & magna
fuiſſet ſuper eorum ſucceſſione diſputatio in-
ter Doctores, inter quos Petrus de Anchar. Do-
ctor tūc temporis Illuſtris pro Violanta præ-
ſata conſuluit multis rationibus, & iuribus pro
ea adductis in d. conf. 339. demum electis no-
uem ſapientibus à tribus Regnis coronæ Ara-
gonenſis, ſententia ceſſit in fauorem Ferdinan-
di filij ex ſorore, qui fuit ad Regnū aſſumptus,
quæ ſentētia (vt refert Marineus Siculus ali-
que illius Regni ſcriptores) adeo fuit iuſta re-
putata, vt lata à Spiritu ſancto crederetur.

Quæ omnia (vt diximus) procedunt in ſuc-
ceſſione euentura Sereniſſimi Regis Henrici
nūc viuentis, quòd ſi ſucceſſionem iam euen-
tam ſeſtiani Regis conſideremus. multo for-
64 tius † locum vendicabunt, nam eo caſu cōcur-
rētibus vt ſupra diximus duobus magnis chijs
vtriſque in quarto gradu ſiſtentibus, ad com-
munis nepotis ſucceſſionem, decifio reſultat
indubitabilis in virilis ſexus beneficium, nullo
exiſtente Doctore, qui auſus fuerit neq; diſpu-
tare tali caſu, admittendam eſſe ſubingreſſio-
nem, nulla etiā exiſtente lege, vel conſuetu-
dine ne quidem barbara, quæ hoc diſpoſuerit.

Nec dicatur de ſucceſſione ſeſtiani Re-
gis non poſſe tractari, quia illi ſucceſſit Hen-
ricus, de cuius ſucceſſione agendum erit, nam
firmandum cenſemus quòd licet Sanctiſſimus

† Domi-

65 † Dominus noster Gregorius XIII. Summus Pontifex habilitauerit Henricum Cardinalem vt in Regno succederet ad quod sine illa habilitatione non fuisset vocatus per ea, quæ dicit Bald. in cap. cum in magistrū de elect. & And. de Ifern. ceteriq; Doctores in c. 1. de milit. vaxal. qui arma bell. depof. & ipsum exemerit ab infamia apostalię cum qua Regnum aliamque quamcumq; dignitatem obtinere non valuisset, vt ponderauit Aluarot. in d. c. 1. de mil. vaxal. (vnde in casu simili superius narrato successionis ad Regnum Neapolis inter Robertū patrum, Carolūque Numbertum nepotē, non fuit actum de Ludouico Episcopo Roberti fratre natu maiore) tamen huiusmodi dispensatio de iure non parauit præiudicium iuribus iam à Rege nostro quæsitis tunc in illa temporis instantia, qua obiit Rex Sebastianus, prout in simili casu dixit Bartholomæus de Capua insignis Doctor noster regnicola in cons. Regni vt de successionibus in princ. ibi, *quæro consuetudo est in Regno quòd primogenitus succedat legitimus modo natus est quidam nō legitimus, deinde natus est alter legitimus, deinde legitimatus est, qui primò natus est non legitimus, queritur quis debet succedere, dic quòd ille in quo primò hæc duo concurrunt simul, quia est primò natus legitimus, et ita seruatur,*

natur, arg. l. quoties C. de rei vend. in qua le-
 66 ge excitantur quæstionem † hanc omnes Do-
 ctiores Butr. Bal. Paul. Salyc. & Ias. omnesque
 vnanimiter tenuerunt, qd si Regis primogeni-
 tus habilis non sit tempore mortis Regis eius-
 dem, licet postea habilis effectus fuerit, non
 præfertur secundo genito, qui reperitur primò
 habilis tẽpore mortis præfatæ, & successionis
 ad Regnum, nam habitatio subsequens iuri-
 am quæsito obesse non debet, confirmat Tira-
 xuell. de primogen. quæst. 38. nu. 8. per totum *
 quod multò fauorabilius firmandum erit in iu-
 67 re tuendo Regis optimi † maximi, vnici defen-
 soris Catholicæ Religionis, & Sanctæ Matris
 Ecclesiæ propugnaculi. Et ità iuris esse cen-
 seo. Anibal Moles in Tribunali Regiæ Came-
 ræ Præsiciens de Anno 1579.

A D D I T I O N E S.

- a Vt enim Corona, sic Regnum si pluribus diuidatur vim
 penitus, ac nomen amittit, de cuius dicti veritate vide
 quos cumulant Petr. Cened. in collect. ad decret. in d.
 Can. in apibus, Francis. Zoann de prima. primog. c. 1. &
 in repet. l. ut vim. ff. de ius. & iur. quibus addo Petr.
 Greg. in syntag. iur. lib. . . . c. 15. ex num. 24. in syntax.
 art. mirab. lib. 21. de polit. c. 4. & in tract. de repub. lib. 5.
 c. 3. 4. Iust. lips. lib. 2. polit. c. 4. Andeg. lib. 6. de repub.
 c. 5. & Ioan. Cas. lib. 3. c. 7. fol. 261.*
- b Alia refert exempla Gugliel. Barcl. de Reg. & regal. potest.
 lib. 3. c. 3. fol. 119. & multa mala, que successerunt ali-
 cubi ex*

cubi ex immutatione successionis Regni à primogenitis enumerat Petr. Greg. de Repub. lib. 7. c. 9.

e *Quaestionem hanc prater ceteros, quos cumulant Tiraquell. Leopold. Hackel. in quaest. Illust. 18. Thes. 5. lit. B. Blas. Flor. de Mena in add. ad Gamm. decisi. Lufftan. 174. & Henrich. Resentb. in synops. feudal. vol. 1. c. 7. concl. 26. fol. 451. num. 12. fusè tractarunt moder. Gall. quaest. Illust. c. 3. Renat. Chop. de doman. Franc. li. 2. tit. 12. Jacob. Bere. conf. 134. Gonsal. Mend. lib. 3. diuers. arg. iur. c. 7. Auendan. ad l. Taur. 40. glos. 8. Petr. Greg. de republ. lib. 7. c. 18. & Andeg. lib. 6. c. 5.*

d *Scribis Iustin. lib. 23. Agatoclem Regem Sicilia in morbum incidisse, & in desperationem salutis, bellum inter filium & nepotem ortum videns, eius Regnum tanquam iam mortui vindicantes.*

e *Ita cum Alexand. Imm. & alijs obseruauit Roland. conf. 68. num. 51. vol. 1.*

f *Verior, & magis communis est opinio, quod etiam quando vocantur proximiores filius ingrediatur locum patris, ut ex multis ad partem relatis cum Baldo confirmat Angel. Matteac. de leg. & fideicom. par. 2. c. 6. nu. 12. ibi ego verò longè verioreni existimaui Baldi opinionem, quia nepos in ordine succedendi est in eodem proximiori gradu, quo ipse patruus ita lege statuente, & latè Molin. de primog. lib. 3. c. 8. ex num. 11. Gutierr. pract. lib. 3. q. 66. num. 36. & 37. & q. 69. num. 18. 19. & 59. Auend. ad l. 40. Taur. glos. 2. num. 21. ubi verioreni hanc opinionem appellat, & omninò tenendam, & huic sententia magis etiam videtur accedere Hieron. Lauall. pract. com. q. 197. in fi. c. & multos alios cumulat Turret. conf. 38. vol. 1. num. 8.*

g *Laudat casum Stephan Forcat. in comm. de feud. c. 6. num. 9. fol. 204.*

b *Decisioem comprobat doctissimus Petr. Aerod. rer. ab omn. antiq. iudic. lib. 5. tit. 14. & multa exempla in utriusque*

G

opinio-

opinionis confirmationem referunt ferè omnes allegati præcipuè Petr. Greg. Chopp. Forcat. moder. Gall. & Andegau. quibus addo Menoch. vol. 3. conf. 211. num. 3. sed præcipuè notanda sunt quæ in hoc eodem Lufitania Regno euenerunt, Ioannes enim Ferdinandi filius, Alphonso Auo successit, Henrico patruo uiuente, nec multo post Sebastianus Ioannis primogeniti filius Emanuelis Aui Regnū excepit non autem Henricus patrum. Sed Francisc. Balduin. in S. cum filius inst. de hered. quæ ab intest. defer. num. 9. decisionem refert Senatus Parisiensis ex qua in Aui successionē filia prælata fuit nepoti ex filio, nulla admissa representatione ibi Cum enim anno Dom. 1302. mortuus esset Robertus secundus Comes Arthesiensis, relicta filia Mathilde, & Roberto nepote ex filio Philippo: hicq; nepos Robertus iure sui patris defuncti fretus uellet succedere exclusa filia Mathilde: decreto siue arresto Senatus Parisiensis prohibitus est: quasi representationi non esset hic locus: sed dubia uidetur decisio cum possit & alia ratio ipsius afferri, ut inferius per eundem Balduin. ibi quanquam alio nomine indignus erat nepos ille Robertus, propterea quod falso confixerat instrumentum, quo iactabat nominatim conuentum de hoc representationis iure, &c.

- i Et Andegau. lib. 6. c. 5. primogeniti verò filius inquit Rex Vnghariæ iure incertum, an gratia superatus Bartolus autem refert in Auth. post fratres C. de legit. hered. quòd sententia ratio fuit, quia Regnum Apuliæ erat Ecclesiæ Romanæ deuolutum, qua de causa non successionis iure Roberto Regnum sit adiudicatum, sed ex Domini concessione, & inuestitura, & hanc rationem inquit à se præter ceteros excogitatam, & credo quòd illam fundabat ex his quæ dicit Bald. in tit. de filiis nat. ex matr. ad morgan. cont. in wsb. feud. num. 3. quod Regnum Sicilia taliter debeatur primogenito, quòd eo deficiente non succedat secundo genitui, sed remaneat di spofitio Regni ad Pontifi-

Pontificem, sed certe parcant Bart. & Bal. ratio est falsissima, quia scimus vere nunquam Regnum fuisse Pontifici deuolutum, & Nicol. de Vbal. de Peruso in tract. de succ. ab intest. num. 70. ut refert etiam las. in repet. l. quoties num. 42. C. de rei vend. valde de Baldo miratur, ex quo ipsemet Bal. in l. cum antiquioribus C. de iur. delib. refert quasdam conuentiones habitas inter Pontificem Clementem, & Carolum Regem Sicilia de anno 1265. quae conuentiones, & pacta videntur contrarium sonare.

h Quaestionem ad partes disputat Auend. ad l. Tauri 40. glos. 14. num. 19. tandem hoc casu etiam in indiuiduis primogenituram admitti concludit.

i Fictio enim quadam est representatio, quae non nisi in casibus à iure expressis locum habet, ponderat Didac. Spino. in specul. test. glos. 1. princ. num. 44. & seq.

m Comprobat idem Parlador. rer. quotidian. lib. 2. c. 15. Hipp. Rim. cons. 526. num. 2. vol. 5. fol. 152.

n Auctores utramque opinionem defendentes late cumulant Tesauro. decis. pedem. 162. Andr. Fach. lib. 6. contr. 3. Ludouic. Moroz. consil. 1. à num. 10. ad 20. Auend. ad l. Tauri 40. glos. 14. Molin. de iust. & iur. quæst. 164. & Ioan. Matienz. lib. 5. recop. tit. 8. l. 5. glos. 1. concl. 14. num. 15. Ioan. Goedd. disp. iur. par. 2. disp. 24. Thes. 43. Hieronym. Treutler. disp. par. 2. tit. 16. Thes. 5. Feder. Tilem. in disp. pandec. par. 2. tit. 8. Thes. 19. Leopold. Hackelm. vol. 2. in 2. disp. par. 6. pandect. Thes. 29. Henrich. Rosenthal. in synopf. d. c. 7. concl. 56. num. 9. fol. 552. & Eman. mæd. ubi supra. num. 25. qui omnes Azonis opinionem defendunt, quam etiam comprobant Martin. Vran. Prenning. consil. 16. vol. 1. ubi disputando articulum ad partes concludit quod opinio Azonis continet meram veritatem iuris num. 25. mod. Gall. quæst. Illust. c. 14. Hugo Donell. com. iur. ciuil. lib. 9. c. 4. Matteac. de leg. & fideic. lib. 2. c. 7. Hubert. Giphon. antin. iur. feud. disp. 5. num. 44. fol.

115. & in tra. 7. de iur. feud. c. 12. num. 53. fol. 74. Reinwald. in Axiom. iur. obic. iur. 2. disp. 8. num. 23. de hered. fol. 218. Franc. Duar. in conf. feud. c. 9. nu. 10. Georg. Obrecht. in disp. feud. 10. num. 283. Petr. Beloius Consiliarius Tholosanus in disp. de succes. ab intest. impressa post libellum variar. iur. fol. 26. vers. Item frustra queritur Renat. Choppin. de morib. Paris. lib. 2. tit. 5. num. 4. fol. 232. ubi ita alias iudicatum refert in Senatu Parisensi Francisc. Balduin. in S. hoc etiam addendum inst. de legit. agnat. succes. num. 7. qui etiam testatur de multis arrestis per Centumviralem Curiam Parisensem latis de quibus etiam Papon. lib. 21. arrest. 1. c. 11. 12. & 13. Imber. in Enchirid. iur. Gall. in tit. quando succeditur in stirpes fol. 325. & Dionys. Goth. in not. ad nouel. 118. de hered. ab intest. ven. S. si igitur ver. patruo mihi Anton. Fabr. in Cod. Fabr. lib. 6. tit. 31. distin. 7. prima 2. vol. fol. 288. ubi ita etiam refert decisum in Senatu, & secundum eam decisum etiam fuit mensibus elapsis per S. C. Neapolitanum referente Domino Vespulo, in causa illorum de Nastaris, patrocinante doctissimo viro Io: Baptista Megliori, qui in suis allegationibus omnes alios cumulauit, ut non immerito Petr. Heig. qui eandem Azonis comprobatur sententiam in comm. super inst. lib. 3. tit. 1. de legit. succes. c. 5. de ord. succes. in 3. ord. succes. collat. num. 20. fol. 285. dicat quod illa maioribus rationibus nititur, & elegantioribus probatur auctoribus, ita ut oleum, & operam perdere existimandus sit, qui contra eam disputare in animum induxerit, sed pro glossa opinione videas Sonsbec. de feud. par. 9. num. 100. Ant. Fabr. in disputat. impressa post libellum de var. nu. deb. solu. Bereng. in repet. d. Auth. num. 28. in S. relatum, & praeter ceteris optime Dominum Consiliarium Ioan. And. de Georg. in alleg. 30. quam olim primarius Aduocatus in dicta causa composuit.

• Ioan. Leuncl. in iur. Grec. Roman. vol. 2. fol. 37.

p Sed

p Sed optima ratione glossæ opinio per Authorem nostrum reprobat, & ego præter alios etiam respondeo, quod quâvis Iustinianus ibi in secundo gradu cognatorum solum vocauerit filium & filiam consobrini vel consobrinae, illud non est ut dixit gloss. quod hi respiciant inferius lineam transversalem alij omnes superius, sed quia ex singulari beneficio eis placuit indulgere, quod si eadem glossæ ratione motus esset Imperator, inter sexto gradu constitutos cognatos eos etiam solos admisisset vel saltem præposuisset qui ex ordine sunt inferiori non superiori, quod non fecit; & eo magis erravit glossa, quia argumentum inducit ex l. scripto in fi. ff. vnd. lib. qui tex. loquitur de descendantibus liberis, & ascendentibus parentibus, non de Collateralibus superioribus, vel inferioribus ut est casus noster ibi non sic parentibus liberorum, ut liberis parentum debetur hæreditas, & si cogitares pro glossa quod argumentum ex his verbis non induxerit, sed ex sequentibus ibi parentes ad bona liberorum ratio miserationis admittit liberos naturæ simul, & parentum commune votum quasi argueret gloss. quod sicut filio debetur hæreditas magis quàm patri, quia natura dirigere solet quod prius liberi quàm parentes moriantur, ita & Collaterali inferiori magis debeat quam superiori, quia natura etiam dirigitur prius Collaterales superiores quàm inferiores deficere, tamen hoc non obstante errasset etiam glossa, quia non est votum Collateralis decedentis potius hæreditatem relinquere Collaterali inferiori quàm superiori, sicut votum parentis, neque de necessitate etiam sequitur esse maiorem natu Collateralem superiorem quàm inferiorem, ut experientia docet, prout est in liberis, & parentibus, non igitur fauet Collaterali inferiori, neque natura, neque votum decedentis, ut in casu d. l. scripto.

q Ex hac Authoris solutione patet, quod vim argumenti per Bart. relati multi moderni non intellexerunt, ut optime pon-

mè ponderat Ant. Fabr. in d. diff. Forens. Respondet enim non esse absurdum unius eiusdemque hominis hereditatem variè diuidi pro varietate casuum, & personarum, ut modo in stirpes, modo in capita succedant, qua solutio non resoluit argumentum, nam de una unius hominis hereditate, & de eodem casu loquitur Bart. ut non immeritò videatur absurdum unam, & eandem rem simul, & semel diuerso iure censi, & Moroz. in d. cons. num. 39. qui dicit Bartolum præsupponere assumptum falsum quod fratrum filij postquam in stirpes cum patruo successerunt inter se iterum partes diuidant in capita, nullo modo vidit Bartolum, qui illud falsum esse fatetur, sed illud consequens esse dicit si vera esset Azonis opinio, & falsum, quia contra textum nouelle, sed Excellentissimus Napod. vir neque Accursio, neque Bartolo secundus, & qui floruit eodem tempore cum Bartolo, qui hanc quæstionem præ cæteris optimè disputauit, defendendo glossæ opinionem, in consuet. sed si morienti in ver. in stirpes num. 276. aliter quàm Bartolus ponderauit, cum enim pro Azone adducebatur ideo eo tantum casu quo cum patruis concurrunt nepotes in stirpes succedere, quia iniustum videbatur, ut patruus, qui vno grauabatur, succedendo cum his, qui erant in tertio gradu constituti cum ipsi existerent in secundo, in alio etiam grauaretur, si illi in capita etiam succederent, & ita maiorem partem auferrent, quàm patres illorum essent habituri, respondet ipse hanc rationem non ob stare, quia ponamus inquit quod defuncto superesset frater, & filij duorum fratrum præmortuorum, si consideramus, & veniunt cū Cyro, venient in stirpem per rationem prædictam, si consideramus ipsos filios duorum fratrum præmortuorum inter se venient in capita, cessat prædicta ratio, ergo veniunt in stirpem, & in capita, quod est inconueniens. Sed cum Bartolus & Napodanus illud pro absoluto teneant, falsum, & inconueniens esse

confe-

consequens, quod patruels inter se in capita & respectu patru in stirpem succedere debeant, nota id non tam falsum esse, quin cum casus acciderit non sit maximam passus difficultatem, ut refert Francisc. Balduin. ubi supra num. 7. cuius dictum placet ad verbum inferere ibi Cæterum fuit in hoc genere alia quædam nobilissima olim in Anglia quæstio: quæ vix tandem multis vtrinque illatis acceptisq; cladibus dirimi potuit; an qui patrum anteire vult per repræsentationem iure primogenituræ, idem vinci possit per suam patruelem fœminam filiam eius, qui vtrumq; ætate vinceret finge quattuor esse fratres, Primum, Secundum, Tertium, Quartum. Primum mortuum relicta filia; Secundum sine liberis; Tertium relicto filio; Quartum adhuc viuere; an ibi ius primogenituræ etiam in successione cognatorum habeat locum; etsi quærat de successione Secundi intestato, & sine liberis mortui; an filius Tertij præferatur suo patruo Quarto, repræsentando patrem suum Tertium, & idem, tamquam masculus præferatur suæ patrueli filiæ Primi, quam in pari gradu existentem non patiatur repræsentare patrem Primum. Hæc (inquam) maxima fuit quæstio in Anglia ante annos cētum inter nobilissimas duas filias Regij sanguinis Lancastriam, quæ rosæ rubræ, & Eboracensem, quæ albæ insignibus utebatur, &c. Et sic non dubitabatur excludendum esse fratrem Quartum per filios Primi, & Tertij, & maximè alteratum, an Primi filia excluderetur per filium Tertij, quod si repræsentatio semel admissa fuit, secundum Bartol. & Nepodan. sententiam, dubitandum non erat quin filia Primi fuisset præferenda.

¶ Eandem rationem comprobat Auend. ad l. Taur. 8. glos. 1. fol. 19.

§ Rectè Auctor noster allegat Theophili auctoritatem ad probandum, quod de iure Iustiniani ante nouellam fratrum filij soli in capita succedebant non in stirpes, & Iacob. Curt.

Curt. Doctor Burgenfis, qui Theophili textum è Græco in Latinum conuerſit ibi in add. nimis errauit in ver. in capita ſignando illa verba pro Azonis opinione, credens forſan Theophilum dum antea dixerat verum hodie ex his, quæ à Principe noſtro inuenta ſunt loqui de prædicta Iuſtiniani nouella, cùm verè loquatur Theophilus de conſtitutione Iuſtiniani tempore inſtitutionum, non nouellarum, quod euidentius patet ibi ipſa filio fratris præfertur ius agnate habens ex conſtitutione, & de conſtitutione nouella id intelligi non poſſe non eſt dubitandum, quia in ea ius agnationis & cognationis eſt penitus ſublatum, Item in eodem S. deciditur inferius fratrem excludere fratris filium, quod eſt ſublatum in nouella, ſic etiam errarunt Franciſcus Duaren. alioquin accuratiſſimus interpres in c. 9. num. 10. de feud. Renat. Choppin. Petr. Heig. nu. 21. & Franciſc. Balduin. ubi ſup. qui ad idem allegant Theoph. & magis malicioſè etiã Io. Vaud. lib. 1. quaſt. iur. c. 24. qui pro eadem Azonis ſententia ponderat Theoph. mutilatis verbis, refert enim eius textum verum hodie ex his, quæ à Principe noſtro inuenta ſunt, ſi in teſtatus moriatur relictis fratris, aut ſororis filijs non refert verba illa ipſa filio fratris præfertur ius agnate habens ex conſtitutione, ut facilius lector deciperet, qui de Vaudo conſiſus non legeret Theoph. textum ex his enim verbis (qua omiſerat) clariſſimè, & ſtatim notum ſit de nouella Iuſtiniani Theophilum non loqui, ut ſupra ponderaui; ſed eſſi Theoph. text. legeretur ut Vaudus ipſe componit neque pro Azone probaret, quis enim tam ignarus, qui non videat verba illa hodie ex his, quæ à Principe noſtro inuenta ſunt ad tempus quo condita fuerunt inſtitutiones eſſe referenda, cùm eo tempore, quo ſcribit Theophilus de componendis nouellis neque cogitauerit Imperator.

1. *Quam antiquiſſimam legem moribus Hiſpania receptam fuiſſe docet l. 1. §. 1. b. 3. tit. 3. fori & idem confirmari conſue-*

stat doctissimos viros, qui ex iure communi leges parietarum deduxerunt, dum in part. 6. tit. 13. l. 5. id clarissime decreuerunt not. Auend. adl. Tauri 4. glos. 14. n. 13. & Villadiegus. in comm. ad dictam legem.

u Quamuis multi quos cumulant Herman. Vult. de feud. lib. 1. c. 9. num. 151. & Intrigliol. de feud. centur. 2. art. 2. nu. 100. voluerint semel exclusa femina perpetuo exclusam videri tamen contrarium est verius, & defendit ipse Vult. & multi quos idem allegat num. 52. Leopold. Hasckelm. in quaest. illust. 18. Tbes. 10. & Henrich. Rosenthal. in synop. tit. 7. concl. 44. & 45. vol. 1. fol. 521. quibus addo Andr. Knichen ad priuil. iur. Saxon. c. 8. & Petr. Heig. quaest. iur. lib. 1. c. 26. & eam tam iuri scripto, quam naturali iustitia conuenientiore respondet Fulgos. conf. 8. vers. neque huius sententia conf. 12. num. 2. in fine quinimò equiorem, & veriore certo se credere dicit Mifinger. centur. 5. obser. 74. vs. & illam in iudicando & consulendo sequendam dicat Vuesemb. cap. 6. num. 23. de feud. & Hanneston. lib. 2. de feud. c. 9. dicit contrariam decisionem esse duram, & ab humanitate omni alienam, & illam respondet Roman. conf. 1. num. 3. alicubi usu receptam esse ex rigorosa feudali consuetudine, & durior viaetur opinio Duareno cap. 9. num. 12. de feud. & Iul. Clar. scribit in S. feudum q. 80. vers. sed è cenuerso illam sententiam semper duram sibi visam fuisse, & ita pro contrariam iudicatum est in Camera in causa Ill. Ducis Magdaluni cum D. Ioanna Carrafa de anno 1571. vs refert idem noster Author in tit. de iure deuolution. decis. 3. in decisionibus Reg. Cam. Sum. quas uti senex valetudinaris, & praessus mole negotiorum tam in supremo Italiae Consilio, apud Catholicam Maiestatem, quam in huius Regni Collaterali Consilio, & uti erat haud nimis gloria affectator viuens praelo mandare non valuit, nec voluit, eas tamen iam typis excudendas curamus.

* Valentin. Forster. de succes. ab intest. lib. 6. c. 36. aduertis etiam

etiam Lánar. *consl.* 1. num. 11. & late Mich. Aguirr. in
apolog. de suces. Portug. par. 4. à num. 26. per multos
seq. & faciunt, qua communiter scribes dicunt de fi-
lijs non legitimis, qui post mortem patris impetrant Prin-
cipis rescriptum, quod eo casu non aliter cõcedat Princeps
nisi consanguineorum adsit consensus Leopold. Hackel. qui
alios allegat vol. 2. disp. 2. par. 6. pandet. Thes. 8. & latius
Daniel. Nebell. iuridicar. disput. iur. par. 2. Thes. 306.
fol. 204. ubi ex multis etiam fundat Principem à Deo
constitutum esse, ut iustitiam faciat & illius fines atque
terminos excedendo Principis nomine se reddere indignū,
& notat qua pulchra dixit Claudianus Poeta ad Hono-
rium.

Nec tibi quid liceat, sed quid fecisse decebit
 Occurrat, mentemque domet respectus honesti
 Tū ciuem patremque geris, tū consule cunāis
 Nec tibi, nec tua te moueant, sed publica vota.



DE

DE SVCCESIONE²⁷ BRITTANNIAE.

Argumentum.

De lege Salica, quomodo vsu recepta,
& an procedat in feudis particulari-
bus Regni Franciæ, & quomodo
fit intelligenda vnio status; Secun-
do an neptis debeat præferri mater
terræ, in succefsione Regni, & quo-
modo inter Collaterales admittat-
ur subingressio.

S V M M A R J V M.

- 1 *Factum refertur.*
- 2 *In Gallia adest lex Salica, ex qua fœmina à
succefsione Regni sunt exclusæ.*
- 3 *Franciscus Hottomanus quid senserit de lege
Salica.*
- 4 *Antonij Mattarell. responsio ad Hottoma-
num.*
- 5 *Opinio Paris. damn. memor. de origine legis
salicæ.*

H 6 Simi

- 6 *Similis est legi Salica successio Regni Israheliti.*
- 7 *Lex Salica in Regno Francia perpetua seruata est consuetudine, & exempla referuntur.*
- 8 *Scriptores, qui de usu legis Salica scripserunt.*
- 9 *Doctores qui de tali consuetudine testantur.*
- 10 *Ratio cur fuit introducta lex Salica.*
- 11 *Lex salica non seruatur in successione Ducatus Brittania, Aquitania, & Normandia.*
- 12 *Verba legis Salicae referuntur, & declarantur.*
- 13 *In feudis Regni Francia semper feminae successerunt.*
- 14 *Quod in Ducatu Normandia successerint feminae, exempla referuntur.*
- 15 *Exempla in Ducatu Aquitania.*
- 16 *Exempla in Ducatu Brittania.*
- 17 *Arbor ultimi Ducis Brittania, et eius descendendum.*
- 18 *Feudum in Regno per successionem consolidatum non mutat legem vel naturam suam successionis.*
- 19 *Requiritur actus facti, per quod appareat consolidatio.*

- 20 *De Ducatu Brittannia non apparet solem-*
nis incorporatio.
- 21 *Qua accedunt Regno facto hominis retinent*
primam naturam.
- 22 *Exemplum de Regno Nauarria.*
- 23 *Provincia qua accedit accessoriè in Regno re-*
gitur constitutionibus Regni, secus quan-
do principaliter.
- 24 *Exemplum de Ciuitate Pisana cum Dominio*
Florentino.
- 25 *Infanta Isabella preferri debet Regina Na-*
uarra matertera, et si proximiori.
- 26 *In successione feudorum attenditur primo-*
genitura.
- 27 *In Regno Francia generalis de hoc adest con-*
suetudo.
- 28 *Consuetudo in specie de Ducatu Brittannia.*
- 29 *Primogenitura attenditur etiam in fœminis*
in successione feudorum.
- 30 *Fœmina preferuntur masculis remotioribus*
in gradu.
- 31 *Natura successionis primogenitorũ qua sit.*
- 32 *In omni successione filius representat patrem*
in sexu, et in gradu.
- 33 *Subingressio procedit etiam in feudis, et ma-*

ximè in Francia.

34 *Subingressio non datur inter Collaterales.*

35 *Subingressio inter Collaterales admittitur cum nepos concurrat cum patruo.*

36 *In successione Regni Portugallia cur non datur subingressio.*

37 *Ut sit admissio ad partem, ita fieri debet ad totum.*

38 *In Ducatu Britannia nepos fuit praelatus patruo in successione alterius patris, & exemplum.*

39 *Verba Pauli Emilij Veronensis.*

40 *Iustitia Infanta clara remanet ex multis adductis, et maximè ex antecedenti decisione.*



Mortuo Henrico III. Francorum Rege † & adhuc Gallia sine Rege existente, illinc Magnatibus electione noui Regis ad eos spectantibus (Henrico Borbonio Pontificijs sententijs expulso) hinc Henrico eodem sceptrum prætendente, non modo Gallici Regni, sed etiam Britannicæ Prouinciæ, ut illi annexæ, nostrum erit Ducatum istum unam cum Aquitanico & Normandico ceterisque consimilibus, Serenissimæ Isabellæ Austriacæ Philippi Regis nostri filiæ primogenitæ, ex

æ, ex tunc sequuta Auunculi morte spectauit. se demonstrare, ita vt illos non solum armis decorata Infanta eadem Serenissima, sed etiam legibus armata sibi valeat vindicare.

- Et primo non inficiabimur in Regno Franciæ extare legem, qua cautum fuit fœminas ad
- 2 Regni successionem non admitti t quam Doctores Salicam appellant à Faramundo Primo Gallorum Rege latam anno Dom. 422. à subsequentibus principibus emologatam, & à Carolo Magno Imperatore multis capitulis auctam, ^a quæ capita pro legibus obseruari sancitum fuit, vt legitur in lib. Longobardorum 3. tit. 29. sub rub. de capitul. leg. sal. & meminit de ea lege, etiam tex. in c. 1. de fil. nat. ex matr. ad Morgan. contr. in vsib. feud. glos. in can. in legibus 2. q. 2. & omnes Gallici Doctores, & Historici qui de rebus Gallorum scripserunt, præsertim Guaguin. lib. 1. c. 3. & Paul. Emil. de reb. gest. Franc. in Rege Philippo longo, legem istam nimis notam nobis reliquerunt.

- Et quamuis Franc. Hottom. Doctor Gallus, qui scripsit in anno 1573. in Francog. c. 10. &
- 2 in lib. 2. de iur. reg. Franc. l. 2. t inueteratum dicat istum errorem esse, & potius commentum absurdum & fabulosum esse testetur, ac tantum abesse, vt ad Regias dignitates pertineat, vt ne ad feudales quidem successiones referri possit, quia capud istud de lege salica loquens tit. 62. de al-

de allod. relatum est; & verè non ad francos, sed ad salios populos pertineat, dicatq; Francorum duas sedes, duoq; Regna fuisse, vnum in Gallia, quod ad hunc vsquè diem permanferit, alterum vltra Regnum ad flumen salam, vnde Salij & Salici Franci coniunctè appellari
4 consueuerunt; Tamen vt optimè in [†] Hotto-
manum inuehit Ant. Mattar cap. 8. fol. 48. cō-
stat hanc Salicam legem fuisse siue scriptam, si-
ue non scriptam, quam tamen vsus frequentis-
simus receptissimus & omnium antiquissimus
approbanit, non enim leges ob hoc sunt quòd
scriptæ, sed quia receptæ, sic Romæ legibus
extantibus quemadmodum & Lacedemonijs
nullum erat ius scriptum, donec eiectis Regi-
bus republica constituta leges à duobus popu-
lis mendicate in tabulas redactæ fuerunt, vt te-
stantur Liu. & Tacit. lib. 3. ann. non tamen mi-
nus dicemus Romanos sine lege vixisse, quod
scriptas non haberent.

- 5 Imò [†] damnata memoriz author Parisiens.
in tract. de orig. progres. & excell. Regni, &
Monarch. Franch. num. 77. legem hanc anti-
quissimam testatur, & à Faramundo minimè
fancitam, & multo minus inuentam, sed solum
agnitam & confirmatam, ex quo erat iam dicta
lex inde ab initio & origine primorum Regū
b gentis Francicæ constituta, b & ad exemplum
6 [†] Regni Israelitici Iudæorum à Deo in perso-
nam Da-

nam Davidis instituti, quod inquit Dauidi concessum, & descendantibus suis masculis, quibus cessantibus tempore impie Athaliæ deolutum fuit Regnum ad posteritatem masculinam, Natan fratris Salomonis, in persona Ioas industria Ioade fidelis sacerdotis, vt Philon & cæteri Hebræi declarant cap. 11. reg 2. & cap.

- c 22. Paul. 2. ^c & Ioannes de Terra rubea in c. 1. contra rebelles art. 1. conclus. 8. fol. 11. ex sola vi consuetudinis obtētum inquit quòd successio simplex deferatur primogenitis maribus ex linea recta eorum quibus succedatur.

- 7 Et verè dubitare non possumus hanc legem perpetua consuetudine ita fuisse validatam, cunctisque in casibus, qui varijs euenerūt temporibus obseruatam, nam refert Agathias author Grecus histor. lib. 2. Clotarium in Regno Franciæ prælatum duabus Childeberti fratris filiabus, & tres puellas ipsius Clotarij ex filio nepotes fuisse postpositas patruo Sigeberto Franciæ Orientalis Regi.

Quod etiam obseruatum fuit in Clotilde Guntrani Regis Aureliæ filia, cuius hæreditatem non adiuit ipsa Clotildis, sed Childebertus Galliarum Rex ex Sigeberto patre nepos.

Et in anno 1315. mortuo Ludouico Hutino Franchorum, & Nauarrorum Rege, & Ioanne eius filio posthumo paucis inde elapsis diebus post ortū interfuncto, fuit Ioanna eius
filia

filia ad Regnum Nauarriæ admissa, à Regno
verò Franciæ exclusa, vocato Philippo Lon-
go, quo inde sine filijs masculis decedente, sed
relictis tribus filiabus, fuit ad Regni guberna-
cula vocatus & admissus Carolus pulcher Hu-
d tini & Longi frater, illis omnibus exclusis.^d

Et in anno 1328. mortuo eodemmet Caro-
lo pulchro fuit à successionem Regni Franciæ
exclusus Odoardus III. Anglorum Rex præ-
dicti Caroli pulchri ex sorore nepos, quòd ma-
tre exclusa etiam filius masculus ex ea deriuat-
us excluderetur, vt in proprio casu dicit Cor-
setus de potest. reg. par. 4. q. 65. & vocatus ad
successionem illam Philippus Comes de Va-
lois Caroli primi patruelis, cum & illi, & ipsi
idem auus fuerit Philippus IV. Rex, quo tem-
pore illud, quod Christus protulit Luc. c. 12.
ver. 22. adductum fuisse referunt scriptores
*Galli considerare lilia quomodo crescunt, non
laborant, neque nent*, quibus verbis conclude-
bant lilia Gallorum nō deberi nisi nobilibus,
qui nō laborant, non nisi maribus, qui nō nent,
quibus Rex Odoardus rē maturē discussa, &
examinata, acquieuit vt refert author Paris.
damn. mem. vbi supra numero 80. Et quam-
uis postea idem Odoardus sinistro consilio
ductus (Deo itā in punitionem populi Fran-
cinimis luxu defluentis permittente) Regnum
Franciæ, vt Rex inuasit, isq; & successores sui
circiter

circiter cētum annis cruentis bellis, & magnis
 cladibus illud vexarunt, tamen oleum & im-
 pensam (vt aiunt) amiserunt, persistentibus
 semper Gallis virtute dictæ vetustissimæ legis
 Salicæ, & ea de causa Brittanni Reges, Franciæ
 etiam Reges se appellant Gallicanique Regni
 e vsurpant insignia vsque in præsentem diem.

Et in anno 1498. extincto Rege Carolo
 Octauo tres eius sorores Regis Ludouici XI.
 filiæ inhabiles sunt ad successionem Regni re-
 putatæ, ob idq; admissus Ludouicus XII. con-
 sanguineus, nam & vtrique Ludouico Carolus
 V. Galliæ Rex idem proauus fuerat.

Et in anno 1515. mortuo prædicto Ludoui-
 co XII. relicta Claudia filia, fuit & ipsa exclu-
 sa, & vocatus Franciscus I. cōsanguineus filius
 Caroli Comitis Angolismensis patruelis Lu-
 douici XII. antedicti.

Quæ omnia clara, & notoria sunt relata per
 8 omnes † rerum Gallicarum scriptores, vt per
 Paul. Emil. Veron. de reb. gest. Reg. Franc.
 lib. 8. in vita Philippi Longi, & in vita Caroli
 Pulchri, & in vita Caroli VIII. & Ludouici
 XII. & per Ioannem Tilium in Cron. de Reg.
 Franc. in vita eorūdem Regum Philippi Lon-
 gi, & Caroli Pulchri, Guaguin. in sua hist. Gall.
 lib. 7. cap. final.

9 Et Doctores nostri maximè idem † tradide-
 runt Petr. Iacob. in tit. de caus. ex quibus vas.
 I feud.

feud. priu. Gugl. Ben. in cap. Raynautius ver.
 duas filias nume. 108. 120. & 121. Cassan. in
 consuet. Burg rub 3. §. coses feudales num. 38.
 & seq. Carol. Grassal. de Regal. Franc. iur. 17.
 vbi alios allegat in princ. & in ver. secūdo ob-
 tentum, post Bal. qui pluries meminit de hac
 Franciæ consuetudine in c. 1. de feud. March.
 & in l. j. ff. de Senator. vbi tunc viuens, & legēs
 Patauix dixit, quòd Odoardus Rex Angliæ
 fuit legitimè exclusus, ex prædicta laudabili
 consuetudine, & si malè accidit postea Regi-
 bus Gallorum id alia ex causa fuisse in mente
 diuina.

- 10 Et hanc legem † semper magnificarunt Gal-
 li scriptores iure optimo sancitam esse dicen-
 tes, ne à lancea in fusum transiret hæreditas, &
 vt in sanguine Regali perpetuo Regnum con-
 seruetur, vt dixit Bal. in d. c. 1. vbi Aluar. & Prę-
 pos. Ias. & alij in l. certum C. vnde legit. Iacob.
 Bonaud. de Saufet. in Panegir. de insig. Regni
 Franc. vers. ex sese pariformiter assequitur lo-
 an. Feral. in tract. de iur. & priuil. Regn. Franc.
 num. 44. & latè Pyrr. Angleber. in tract. de le-
 ge Salica vbi multis argumentis illam optimè
 f defendit. f

- Sed hæc omnia vera esse affirmamus quòd ad
 11 successionem † totius Regni Franciæ, quòd ve-
 rò ad Britannix, Normandiæ, & Aquitaniæ
 Ducatus, atque aliorum feudorum in Regno
 sisten-

sistentium, prædictam legem, vel consuetudinem procedere negamus.

- 12 Et primo quidem lex Salica † de Regno, & bonis fiscalibus, & q̄ sub dominio Regis sunt, loquitur eius verba sūt, *De Terra Salica nulla portio ad mulieres perveniat*, ita ea refert Iacob. de Ardiz. in sum. in rub. de succes. feud. vers. & quod dico in feudo, Iacob. Bonaud. de Saufed. in addit. ad Ioan. de Terra rub. vbi sup. Gugliel. Bened. in repe. d. cap. Raynutius vers. duas habens filias num. 73. Carol. de Grass. de reg. Regn. Franc. iur. 17. vers. primo lege, & Paul. Emil. Veron. in vita Philippi Longi, quæ verba de terra Regia, & propriè fiscali & Regio Patrimonio interpretantur, quia Primi Reges Franciæ Salici dicti sunt & proprium ipsorum patrimonium dictum fuit, & ita etiam lex Salica, vt ex Amniano Marcellino, & alijs pluribus tradiderunt doctissimi viri Paris. in tit. 1. de feud. §. 26. Alciat. lib. 2. dispūc. c. 22. Couar. latè pract. quæst. c. 1. num. 8. & Iacob. Cuiac. ab eo non allegatus in j. rubr. feud. §. & quia vidimus, quod etiam sentire videtur Gugl. Bened. in d. vers. duas habens num. 73. & Aluar. in c. vnic. de fil. nat. ex matr. ad Morgan. Vnir. Terram Salicam dici asserēs ratione loci, vt ex hoc cessent tot insomnia Doctorum, qui de interpretatione huius verbi Salicæ Hallucinationes multas effuderunt.

13 Et sicut lex Salica non fuit edita super feudis Regni Franciæ, sed super Regno ipso, & ipsius Regni successione tantum, ita nec etiam consuetudo quæ ex ea emanauit, vnquam locum habuit nisi in Regno ipso ipsiusq; successione, sicque perpetua, & notoria consuetudo nobis patefecit in alijs feudis fœminas successisse, & in Reguo prædicto omnia feuda esse hæreditaria, & ad instar bonorum patrimonialium, & ita dicit Ioannes Faber antiquus Doctor Gallus, qui vixit tempore Regis Philippi Pulchri in auth. ingress. C. de sacrosan. eccles. & inst. de legit. patr. tutel. in fi. & in pluribus alijs locis glos. 2. in consuetud. Bitur. §. 6. tit. de feud. & sequuntur omnes Doctores Galli, Guid. Pap. decis. 59. & 297. & cons. 18. & 114. num. 7. & consil. 176. Gugl. Bened. in d. cap. Raynuntius in d. ver. duas filias habens num. 67. & 73. Cassan. in consuet. Burg. rub. 3. §. 5. Cofes feudales in princ. & per totum, & prope num. 30. vers. & ideo accipio fallētiam Carol. de Grasse. de Reg. Franc. iur. 17. Tiraquel. de primog. quæst. 10. num. 10. & Paris. de feud. tit. 1. num. 104. qui omnes alios refert hanc testantes consuetudinem, adeo quòd Guid. Pap. d. cons. 18. & 176. hanc consuetudinē generalem in Francia tanquam notoriam non esse probandam dixerit, eamq; ob id asseuerauerit Andr. de Ifern. satis esse laudandam in c. 1. §. hoc autem de his qui

qui feud. dar. poss. quia ex ea reditur ad ius commune per l. maximum vitium C. de lib. præter. & eam validam esse fundauit Gugl. Bened. ver. in eodem testamento lo 1. num. 268. & magis rationabilem subiunxit Ioan. Fabr. vbi supra.

- 14 De Ducatu etenim † Normandiæ, legitur in Cronicis Franciæ cum quibus concordat Vincent. in Spec. lib. 24. quod Ludouicus simplex donauit filiæ suæ Ducatū Normandiæ ex causa matrimonij cum Rodulpho I. Duce Christiano contracti, cuius successores per multos annos tenuerunt Regnum Angliæ vsque ad tēpus Philippi cōquerentis, mortuis Honorio Duce & Rege Angliæ, successit ei filia Mahaud vxor Henrici I V. Imperatoris, & postea Gofredi Comitis Andegauensis, vt refert Frontinus Historicus.

- 15 De Ducatu Aquitaniæ † legitur in eisdem Cronicis, & concordat Vincent. in Specul. lib. 28. c. fin. quod Guglielmus Comes Pictauensis tenebat ex eius vxore Ducatum Aquitaniæ, ex qua habuit filiam nomine Elionoram quæ nupsit Ludouico VII. filio Ludouici Grossi Regis Francorum, & post sequuto diuortio Henrico filio Regis Angliæ, qui fuit Rex Angliæ & Dux Normandiæ, & per eius vxorem Dux Aquitaniæ, & prætendebat Comitatum Pictauensem occasione iuris, & repudij siue diuortij

uortij prædicti vnde initium belli inter Francos & Anglos processit.

16 † Et deducam Britannia in specie agendo
† quod in eo pluries sceminæ fuerint admissæ
exclusis masculis in citeriori gradu existentibus, clarè apparet & notorium redditur ex historijs, nam in anno 1341. mortuo Ioanne Duce Britannia, & superstite Ioanne eius fratre, & Ioanna eius nepte ex altero maiori fratre, fuit ad successionem admissa Ioanna neptis & exclusus Ioannes frater, de quo meminit Cassan. in d. rubr. 3. §. 5. num. 46. & in anno 14. . mortuo Francisco Ultimo Britannorum Duce vnica tantum filia Anna relicta ipsa nuptui tradita fuit Regi Carolo VII. (ita enim Ducatus prædictus intrauit in coronam Francia) quo Carolo mortuo sine filijs Ludouicus XII. Regni successor eandem Annam vxorem duxit in anno. . . . nè Ducatus Britannia prædictus à corona iterum disiungeretur, vt testatur idem Cassan. num. 47. & confirmat Carol. de Grass. de Regal. Fran. iur. 17. vers. 3. de Ducatu Britannia, & narrant præter eos Historici præfati Paul. Emil. Veron. & Ioan. Til. in vita Ludouici Primi, nec non Arnold. Feran. de reb. gest. Franc. lib. 3. in vita Ludouici XII. fol. 26. ibi *Angebat alia cura Regem, nam Anna Carolo prius nupta Britannorum Principatum secum auferebat visa res est grauissi-*

grauissima & quietem Gallicam conuulsura,
 & Munster. in Cosmogr.

- 17 Ex prædicta Anna † Ducissa Francisci VI-
 timi Brittannorum Regis filia orta est Clau-
 dia^h à qua & Francisco Primo Gallorum Re-
 ge natus Henricus II. & ab ipso Henrico II.
 orti sunt Reges Franciscus II. Carolus VIII.
 & Henricus III. ultimo mortuus, natæ sunt
 etiam Isabella, Margarita, & Claudia sorores,
 & ex Isabella primogenita orta est Serenissi-
 ma Infanta Isabella, de qua agimus, quæ uti ne-
 ptis ex sorore ad successionem prædictorum
 feudorum uti proximior admitti debet exclu-
 so Henrico Borbonio, qui ad successionē Gal-
 lici Regni consanguinitatis iure vocatur, ex
 hac enim descendencia apparet Serenissimam
 Infantam nostram Isabellam ex Isabella pri-
 mogenita natam proximiorē esse, & proinde
 in Ducatu prædicto Brittanniæ & Normandiæ
 similiter & Aquitaniæ, in quibus fœminæ sem-
 per successerunt, admittendam esse, ut refert
 Cassan. & apparet ex descendencia relata per
 eum in d. rubr. 3. §. 5. Cofes feudales num. 42.
 & 44.

Nec obstabit prædictis q̄ hi Ducatus Nor-
 mandiæ, Aquitaniæ, & Brittanniæ, ex succes-
 sione prædicta mulierum in manus Regis per-
 uenerint. & cum corona Regia consolidati fue-
 rint, † quia non ex hoc mutata est lex succes-
 sionis

- sionis ipsorum, ità nobiliter Ioan. Fabr. & An-
 gel. Aret. in §. sicuti inst. de legat. non enim ex
 eo quod Rex Ducatus prædictos possedit cū
 Regno ideo dicentur vniti cum ipso Regno p
 tex. in l. prædijs §. Titio. ff. de leg. 2. & arg. tex.
 in l. Gaius. §. 1 ff. de leg. 1. & l. seie. §. Tiranne. ff.
 de fund. instr. ex quibus iuribus fundatur, q
 19 requiritur † actus facti, per quem appareat q
 sit facta incorporatio & vnio, quod & expres-
 sè dixit Cuman. ī l. serui electione §. 1 ff. de leg.
 1. & sequitur Alex. conf. 169. col. 3. vol. 5. Soc.
 in l. 1. col. 2. vers. primus & col. 3. ver. quartus,
 & vltimus casus. ff. de reb. dub. & melius Paris.
 in §. 1. glos. 5. num. 15. & 20.
- 20 Et de hoc Ducatu † solemnis vnio non ap-
 paret celebrata, nec incorporatio, Paris. ex-
 pressè §. 20. num. 5. & 6. & Cassan. in consuet.
 Burg. rub. 3. §. 5. num. 67. qui recenset status
 vnitos cum corona, inter quos non enumeran-
 tur Brittannicus, nec Blesensis.
- 21 Et ea, quæ accedunt † Regno non facto na-
 turæ, sed facto hominis, vt donatione, & suc-
 cessione, etiam q̄ sint vnita cum Regno, reti-
 nent tamen primam eorum naturam & condi-
 tionem, & si separatam à iure & cōditione Re-
 gni, vt probat tex. allegatus per Fabr. in l. me-
 uius §. fundo. ff. de leg. 2. & probat tex. in c. 1.
 §. è contrario, & ità ibi firmat Bal. de inuest. de
 real. alien. fac. in vsib. feud. vbi etiam Aluar. pro-
 bat tex.

bat tex. in l. qui fundum. §. i. ff. pro empt. & con-
firmant Ruyn. conf. 14. lib. 1. lul. Clar. senten.
§. feudum quæst. 8. & Tiraquell. de retract. Li-
K gnag. §. 32. glos. 1. num. 77. *

- 22 Et sic Nauariæ Regnum t quod similiter, vt
Ducatus Brittanniæ ex dotalitio intrauit in
Regnum Frâciæ, & triginta annis à Gallis Re-
gibus ab anno 1285. vique ad ann. 1315. pos-
sessum fuerat, iterum segregatum fuit succes-
sione Ioannæ Henrici filiæ, & propterea iterū
Maria Stuarda Regina Scotiæ matrimonio co-
pulata cum Francisco Henrici II. Gallicarum
Regis filio primogenito, conuentum fuit, &
expressum ad altercationes dirimendas in fu-
turum in matrimonialibus tabulis, vt masculis
decedentibus, à Scotio Regno fœminæ exclu-
1 dendæ non forent anno 1558. ¹

- Voluit itē Bar. in l. si conuenerit la 2. §. si nu-
da ff. de pign. act. quod si Regnum augetur
23 t illa Prouincia adaucta debet regi cōstitutio-
nibus Regni, quando talis Prouincia adijcitur
Regno vel Castro accessorie, q̄ vnum Regnū
fit cum primo, vel Comitatus, secus quando nō
accedit accessorie, & exemplum ponit in hoc
eodem Regno Franciæ, cui adiectus est Comi-
tatus Tolosæ ita q̄ Rex sit Rex & Comes, sed
m tamen Comitatus non fit de Regno. ^m allegat
tex. in l. si quando datiani C. de appell. & hanc
Bart. distinctionem sequutus est Castr. & Ioan.

K de pla-

de platea in l. neminem in fine C. de decur. lib.
10. & est vera conclusio, vt inquit Affl. de capi
tul. Corrad §. & iterū si clericus nu. 24. in vsib.
feud. & originaliter dixit Cyn. in l. etiam C. de
n iur. dot. ^a

Et sic idem dispositum reperimus, dū olim
24 Ciuitas † Pisana se vniuit Dominio Florenti-
no, nam ijsdem constitutionibus quibus primo
vtebatur & regebatur, nūc gubernatur & vo-
luit Roman. conf. 218. in fi. num. 2. vt proinde
nō immeritō dixerit Abb. in cap. 1. ne sed. vac.
num. 6. q̄ quando vnio fit per viam subiectio-
nis, hoc est q̄ vna Ecclesia subijciatur alteri, eo
casu Ecclesia debet regi legibus quibus prius
regebatur, ex cap. quia monasterium de relig.
domi. vnio enim non tollit priuilegia, sed con-
seruat, Lap. alleg. 68. incip. quzuus ver. 2.

Quibus verissimis conclusionibus sic firma-
tis, Remanet fundare Serenissimam Isabellam
25 † solam debere admitti, & in hac successione
præferri non obstante q̄ Regina Nauariæ sit
soror vltimi Regis mortui, & quod tāquam in
gradu proximior ad successionem videatur vo-
cata per dispositionem tex. in c. 1. de natur. suc-
ces. feud. vbi Andr.

Et primo in successione feudorum, & maxi-
26 mē dignitatum † primogenitura attenditur, tū
ex dispositione iuris communis, & consuetudi-
nis feudorum cap. 1. de voto. §. præterea Duca-
tus de

rus de prohib. feud. alien. per Feder. vbi Andr.
 tūm & maximè in Regno Franciæ, vbi genera-
 27 lis & perpetua adest consuetudo 19 primoge-
 niti tantū succedant, testantur de ea consue-
 tudine & eam validissimam & optimam esse
 asserūt Gugliel. Bened. in cap. Raynautius ver.
 eodem testamento lo 1. num. 168. vers. ex qui-
 bus resultat & num. seq. propè num. 175. Pau.
 de Castr. consil. 164. in causa Don Perasani de
 Ribera, Tiraquel. in tract. de primog. in præ-
 fat. num. 4. & quæst. 10. num. 12. & 19. Ioan. Ci-
 rier. lib. 2. de primog. quæst. 13. Petr. Iacob. in
 tit. de success. Regn. Franc. col. 3. post multos
 alios relatos per Couar. pract. quæst. c. 1. num.
 7. vers. septima conclusio ver. apud Gallos &
 lib. 3. variar. c. 5. num. 5. vers. rursus septimo, &
 28 Bald. in specie t testatur hanc consuetudinem
 vigere in Ducatu Britannia de quo agimus in
 §. omne autem quo vtimur inst. de iur. nat.

Hæc primogenitura procedit absque dubio
 29 t etiam in fœminis dū ad successionem feudo-
 rum admittuntur, vt in casu nostro firmat Bal.
 in l. multis ff. de stat. hom. per cap. significauit,
 vbi omnes Doctores de rescript. Couar. d. lib. 3.
 var. c. 5. num. 5. vers. septimo ad idem proban-
 30 dum, ipse enim fœminæ t semper præferuntur
 masculis in remotiori gradu existentibus, vt la-
 tè firmavit post omnes Molin. de primog. lib.
 3. c. 4. & 5. Natura autem successionis primo-

K 2 genito-

31 genitorum ea est † q̄ omnes de vna linea præferri debeat alijs in ea linea existentibus, etiam si illi priores et proximiores sint in gradu vltimo morienti, vt aliàs diximus.

32 Cùm ergo vni omni successione filius † representet patrem in sexu, et in gradu, sequitur q̄ Serenissima Domina Infanta quia representat personam Serenissimæ Isabellæ matris quæ primogenita erat, omninò erit præferenda, nam

33 & hæc † subingressio, siue representatio procedit etiam in feudis, per tex. in c. 1. de grad. succ. in feud. in c. 1. de succes. feud. vbi Andr. et Doctor. et maximè procedit, et locum habet in Regno Franciæ vt latè tradit Gugliel. Bened. in cap. Raynutius, vers. duas habens filias num. 71. propè num. 72.

Et si dubitetur quòd hæc subingressio inter
34 Collaterales minimè admittatur † vnde est q̄ quando fuit actum de successione Regni Portugalliæ inter Serenissimum Regem nostrum, & Illustrem Catherinam Ducissam Bregantiæ fundatum fuit à nobis subingressionem nō dari, sed in capita omnes admitti.

Hæc dicimus non obstare, quia prædicta iura & decisiones, quæ ibi retulimus non procedunt † quādo agitur de successione patruī cōcurrente nepote cum altero patruo fratre defuncti, de cuius successione tractatur, vt est in casu nostro in quo ad successionem Henrici
Tertij

Tertij cōcurrit Serenissima Infanta neptis Regis ex sorore vna cum matertera eademq; sorore eiusdem Regis, quo casu adest clara iuris dispositio, qua datur nepti subingressio, vt ibidē latē fundauimus ex §. si igitur in Auth. de hæred. ab intest. venien. cuius dispositio procedit etiam in feudis cap. 1. de grad. succes. in feud. Casus ergo successionis Regni Portugalliæ ab hoc longē distabat, quia ibi cōcurrebant duo fratres patrueles, siuē consobrini ad successionem patrui, quo casu nulla datur subingressio iuxta veriorē Azonis opinionem, quod non est in casu nostro in quo si Serenissima Infanta non representaret, non succederet, sed à matertera excluderetur, vt à proximiori in gradu, vn de eam merito iuuat privilegiū illud singulari ex benignitate inductum à Iustiniano Imperatore, quod gradum sui ascendentis representet ita q̃ in stirpes admittatur, cū tamen illo casu, quia patrueles inter se concurrebant non fuerit necessaria subingressio ad succedendum patruo defuncto, quia nullus ab alio excluderetur, sed omnes erant in æquali gradu.

Hinc ergo est, q̃ si Serenissima Infanta subingreditur personam matris, oportet q̃ omnino præferatur, stāte primogenitura, quia sicut
 37 admittitur tād partem nepos vnā cum patruo ad successionem alterius patrui, ita omnino debet admitti ad totum stāte primogenitura, ita
 in spe-

in specie consuluit per multa fundamēta Soc
conf. 252. in lib. 2. & posito inter lecturas post
tit. quis, & à quo appell. Aret. conf. 174. latè Ti
raquell. de primog. quæst. 41. firmavit etiam
hanc opinionem Couar. pract. quæst. c. 38. nu.
10. vers. tertio ad intellectum; & in specie q; in
38 Ducatu Brittanniæ fuerit admissa † filia fratris
ad successionem patruī, & fuerit exclusus al
ter patruus frater Ducis præmortui, apparet
id accidisse in anno 1341. vt supra relatum est
in morte Ioannis Ducis Brittanniæ, quod latè
describit Paul. Emil. Veron. in vita Regis Phi
lippi lib. 9. iuxta principium cuius verba sunt.

*Ioannes Dux Brittanniæ, Petri Ducis ex
Ioāne Rufo filio nepos Lugduni oppressus rui
na muri, filium Arturum reliquit. Is Dux
duobus deinceps matrimonijs liberos tulit: Ex
Beatrice Vicecomite Lemouicum eadem Do
mina Auenarum in Annonibus procreauit
Joannem Tertium, ac Vidonem. Ex Iolanti
de Comite à Monteforti progeniuit item Io
annem, cui nupsit soror Ludouici Comitis
Flandri. Ex Vidone nata est Joanna & co
gnomine & offenso corpore Claudia. Ioannes
Tertius Dux nullos genuit liberos superstites
fratri Vidoni antequam Tornacum profici
scretur. Claudam fratris filiam nuptui dedit
Carolo*

Carolo Comitiss Blesensis minori filio ex Margarita Philippi Franci Regis sorore suscepto. Mortuo Ioanne Tertio eius frater item Ioannes iure materno Comes à Monteforti, prædicans se legibus vocari ad Britanniam obtinendam, Nannetes occupauit: fraternumque Aurum, quod in Lemonicum arce asseruabatur, illuc profectus sibi depromi iussit. Ex in Breëtum, quod Oppidum, arcemque præsidium Caroli Blesensis infederat, regressus ad deditionem compulsi; Rhedones etiam in potestatem redegit: Et Veneti se aduenienti deditere. postulabat à Rege Franco, ut se in fidem reciperet; Britannia Ducatum esse beneficium Francorum Regum. aduersarium habebat Carolum Blesensem; Is uxoris Clau-de causam agebat; Illam esse Vidonis filiam: Qui pater si uiueret sine controuersia successurus fuisset Ioanni Tertio defuncto, quod ab eo frater Secundus natus foret: Ioannes vero qui nunc fratrum reliquus esset, Tertius numeraretur, ac æquum esse eodem loco filiam haberi, Quo pater si uiueret, haberetur: Hoc in multis alijs publicis priuatisque causis constitutum, obseruatumque, ille contra ten debet: testaba-

*testabatur recentem etiam nūm memoriam,
 et id, quod sequuti fuissent Patres Parisien-
 ses Franciaque compares in Comitatu At-
 trebatensi adiudicando Mathildi Amita ex-
 cluso Roberto fratris filio. Quod si mulieres
 in hereditatibus paternis praferuntur fra-
 trum iam mortuorum filiis, multò aequius esse,
 se virum, se patrum praferri fœmina Clau-
 da fratris iam mortui filia, Quando in Rober-
 to Attrebatensi huius causae prauidicium factū
 sit, filios filiasvè patrem in Ducatibus Comi-
 tatibusq; non referre, non eodem loco, non eo-
 dem iure censendos se Ioanni Duci Tertio
 fratrem uno gradu propriorem esse, quàm
 Clauda fratris filia sit. Hac pluribus ver-
 bis, summaq; contentione in Senatu, sedenti-
 bus comparibus praeside Rege, acta secundum
 Blesensem sententia lata: statutumq; aliam
 aliorum Ducatum Comitatumq; causam:
 nec Attrebates eodem iure, agere, quo Britan-
 nos, in causa Attrebatensi palàm factum edo-
 ctosq; Iudices eodem mulieres iure quo viros
 esse ad Comitatum Attrebatensem obtinen-
 dum: nec patrum representandorum consue-
 tudinem in Attrebatibus receptam.*

40 Ex his ergo apparet fundatum & consuetudinem Regni Franciæ vocare fœminas ad successiōem feudorum, ipsasq; iure primogenituræ succedere, quòdq; subingrediantur personam patrum, & q̄ ex eo patruis præferantur, & ità etiam in iudicio contradictorio fuisse decisum, Quò casu magis valida, indubitata, & clara redditur Iustitia Serenissimę Infantę per Glos. in cap. Abbate. de verbor. significat. in ver. contradictoria, & l. cum de consuetudine. ff. de legib. vt tanquam primogenita, & personam matris primogenitæ representās in successiōe horum feudorum Brittaniæ, & Aquitaniæ, & Normandiæ admitti, & præferri debeat.

Et ità iuris esse censeo Anibal Moles inuictissimi Regis nostri in Regno Neapolitano à latere Consiliarius, & Regiam Cancellariam Regens de anno 1589.

A D D I T I O N E S.

• Et sic lex ista lata fuit antequàm Iustinianus exornaret ius ciuile, quod factum fuit in anno 527. vt refert Decian. in Apolog. c. 8. & vsus fuit Faramundus operatrium virorum peritissimorum Morgati, Egibi, & Abrogati, & eiusdem Morgati contemplatione fuit denominata lex Morganautica, vt indicat Obertus de Orto in c. unic. de fil. nat. ex matr. ad Morgan. contr. in vsib. feud. & latius prosequitur Forcatul. de Gallor. Imper. lib. 5. licet Alij dicant à Faramundo electos fuisse Compilatores legum Salicarum,

L

licarum,

licarum, vsuauſum, Locauſum, & Biſogaſum, vi-
 ros Sicambros ſpectatos, primates, & proceres non bapti-
 zatos Ioan. Ign. in repet. l. neceſſarios S. non alius nu. 917.
 ff. ad Syll. & in diſſ. an Rex Francia recognoſcat ſuperio-
 rem nume. 24. & 96. & Sebaſt. Muſter. in Coſmogr. lib.
 2. c. 21. qui erant Doctores, vt ex Ioanne Nacler. notat
 Spiegel. in lexico in ver. Salicam legem fol. 523. vbi etiam
 ſubdit ex Ioanne Tritemio, quod habuerunt à Rege vnà
 cum proceribus omnimodam poteſtatem condendi leges,
 quodvè compoſuerunt Conſtitutionum legalium volumen
 à principale Authore Salagaſt. nomen legis Salica acci-
 piens.

- b** Et Berengarius in repet. c. vnic. de ſol. nat. ex matr. ad morg.
 contr. num. 7. tenuit ex ſola conſuetudine talem legem in-
 ductam fuiſſe, non autem ab vſlo Rege latam, non obſtan-
 ſibus, quæ de hac lege conſtanter ſcribūt Benedic. & Caſ-
 ſan. quos ipſe allegat, quæ opinio multis ſuadetur, nam ne-
 que Monac. Aymon. & Greg. Turon. antiqui rerum Galli-
 carum ſcriptores vllam de hac lege faciunt mentionem,
 vt verifimile non videatur fuiſſe vnquam confeſſam, vel
 promulgatam, vt inquit Duaglian. Hiſtoricus Gallus,
 quem refert & ſequitur incertus Author in tract. quod
 Regnum Francia ſit electiuum.
- c** Sed contra videatur Ioan. Leſſæ. in libello de Illuſtr. ſæm. in
 Repub. adminiſtr. & ſerend. leg. auth. impreſſo poſt libell.
 de iuſt. ſit. Reg. Angl. fol. 9. & 10. à ter. ibi diſertis verbis
 tecum Athalia Imperio ſuo iuſte priuatam fuiſſe fate-
 mur: ſed prodeant in lucem obſecro, authorum nomi-
 na, qui idem quoque ſentiant, equidem nullum autho-
 rem etiam ſumma adhibita diligencia inuenio, qui vel
 huic ſententiæ ſubſcribat &c. & infra Atque ita ſic fa-
 cete vos deluſiſt; Athalia, inſiciamur ergo Athalia inter
 Iſraelitas alienigenam exitiſſe: qua propter ea hæredi-
 tate alicui Iſraelitarum debita iure priuari non poſſit.
 Neque verò à Regni gubernaculis remota fuit (vri ſa-
 ni Con-

ni Consilij inops iste autumat) eo quod esset alienigena : sed potius quod post crudelem immanemque nepotum suorum , e Rege Ochesia filio suo nuper à Ichu è medio sublato procreatorum cædem , fidenti audacia Sceptum Regium , quod ad nepotem suum Ioas perciebat , sibi usurpauerat : quiquidem singulari Dei providentia & illius insidias vitavit , & elapso decem annorum cuniculo , Ioiadæ summi sacerdotis ope , Regiam tandem dignitatem adeptus est , dignas illa rebus suis gestis luente pœnas , &c. Sed advertendum est quod etiã diu ante Reges Israeliticos temporibus iudicum quando populus Israeliticus voluit Gedeonem facere Regem propter excellentia eius facta , & merita in Rempublicam Israel , Regnum obtulerunt , & coronam sub pari lege & conditione qualis est illa lex Salica , videlicet pro se , & eius filia post eum , & pro filio filij , hoc est in nepotes masculos legitime descendentes , de masculo in masculum tantum. Itẽ in Aþfrica apud Vandalos multo antequã apud Franchos lex illa viguit ; nam Procop. lib. 3. de bello Vandal. narrat Gizericum Regem testamento cauisse ut soli qui proximi essent virilis sexus , & inter eos soli maiores nati , sibi & posteris Regibus Vandalis succederent , quod quidem ius Petr. Arod. rer. ab omn. antiq. iud. lib. 3. tit. 14. de suis & legit. c. 2. in fine veretur ne à Gothis , & Vandalis ad Franchos sit translatum , ut quam legem Salicam ipsi appellant Gothica aut Vandalica debeat nunc pari.

- d Refert exempla Pet. Gregor. Tholosan. in Syntag. iur. uniuers. par. 3. lib. 45. c. 4. num. 7. & seq.
- e Hinc est quod multi Angli scriptores conati sunt legem illam Regni Salicam impugnare , sed ex ignorantia crassissima vel malitiosè ut inquit Petr. Greg. de repub. lib. 7. c. 11. num. 72. fol. 449. & melius in Syntag. ubi sup. nu. 10. & optimè Ant. Mattarel. quem supra Author allegauit.
- f Es quia habitum fuit pro constanti quod tanta moli impar

L 2 fis mu-

fit mulier ut in individuo scribit Papir. Masson. lib. 1. annal. Franc. & inquit Zas. cons. 1. nu. 62. lib. 2. Doctores adeo istud passim dicere, ut contrarium attentare sit ineptum, multas etiam rationes, quæ fæminas excludunt à Regno referunt Gomez. ad l. Taur. 40. num. 8. Petr. Greg. in Syntag. c. 1. num. 11. & de repub. lib. 7. c. 11. usque ad num. 23. ubi præcipuè multas mulieres malè rempublicam rexisse refert, sed & idem postea, & aliàs benè rexisse illustres & utiles fuisse reipublica dicit, quod & retulit Forcat. de feud. c. 7. nu. 2. & late etiam Ioan. Lessa. Episcopus Rossens. ubi sup. fol. 12. & seq. sicut & numerare licet Principes peximos, & Principes optimos, utrorumq; magna est copia, & ut idem Forcat. inquit stultorum infinitus est numerus. Sed Iacob. Orloshausen. integrum composuit librum, an fæmina & ab eis descendentes, in successione ab intestato extantibus masculis rectè excludantur, & masculi soli, & eorum descendentes admittantur, ubi latè.

- g Plura exempla tradunt Stephan. Forcat. de feud. c. 7. nu. 1. & Renat. Chopp. de dom. Franc. li. 3. ti. 6. Authores Galli.
- h Ex hac Anna orta est etiam Renata secundogenita soror Claudia, quæ nuptui tradita est anno 1528. Duci Ferrariæ, unde aliqui dicunt ex ea descendentes succedere in Ducatu Brittanniæ, quia quamvis tunc temporis quando nupsit renunciauit in beneficium Claudia sororis, & Francisci Primi Francorum Regi, & eorum descenduntium, omnia & singula iura &c. id fuit cum expressa conditione quòd deficientibus masculis succederet succedentes ex ipsa Renata cuiuscunq; sexus, sed vanum est hoc disputare, quia non potuit Renata renunciare quod suum non erat, nec sibi aliquo modo competebat, & quia ipsa per Claudiam primogenitam excludebatur omnes ex ipsa descendentes sunt exclusi, quousque unus remaneat cuiuscunq; sexus ex descendentiâ d. Claudia secundum terminos vulgatos.

i Et sic

i Et sic de Comitatu Flandriæ, quod etiam feudum erat eiusdem Regni, non dubitamus quòd in ipso sæmine succedat Bal. in Aub. Statuimus C. de Episc. & Cler. vers. iuxta hoc quero, nam ut ex Historicis omnibus notare licet Margarita filia Theodorici de Alsacia 16. Comitissæ Flandriæ ad successionem Comitatus illius Philippo fratre extincto deuenit; Ioannv itidem fratri Balduino 9. Comitissæ 19. Constantinopolitanog; Imperatori successit; cui Ioanna Margarita Secunda soror postea immediatè in successione Comitatus eiusdem substituta fuit; Inde & ultimo Margarita Tertia Ludouici cognomine de Marle 27. Comitissæ filia ad paternam successionem vocata fuit, & nuptia postea Carolo Duci Burgundiæ Caroli V. Galliarum Regis fratri effecit ut Comitatus iste Flandriæ Ducatui Burgundiæ iungeretur; Qui etiam Ducatus vti vnum ex feudis Gallici Regni eandem seruat similiter consuetudinem, ut in eo sæmine admittantur, nam Maria vltima Ducissa Carolo patri anno 1477. in successione Ducatus subiecta fuit, Ducatumque illum Austriaci posteris transulit, & si Ludouicus XI. Galliarum Rex tunc Ducatum illum usurpauerit vti deuolutum Regiæ Coronæ masculis deficientibus, id non iure, sed de factò potius, & iniuste factum fuit, nam altius exemplum deducendo consimile, mortuo Roberto Duce relictis liberis inter alios Odone, & Ioanna, extincta deinde successione descendentium masculorum Odonis predicti, Ioannes Galliarum Rex præfata Ioanna, & Philippi Valesij filius Ducatum adeptus est, & quod fortius idem Ioannes Galliarum Rex postea professus fuit sub diplomate Burgundiam sibi competere non iure regij Diadematis, sed matris anno 1361. de mense Nouembrijs ut testatur Renat. Choppin. de domat. Franc. lib. 3. tit. 3. num. 8.

k Vnde in sæminia Ducissa fructuaria Angolismorum cui successit Rex in bonis ab ea emptis, quòd licuerit ei subinde eam ditionem obuio cuiq; emancipare decifum fuisse
in de-

*in Senatu Parisiensi, testatur Renat. Choppin. de dom.
Franc.lib.1.c.2.num.17.*

*l Testatur Renat. Choppin. ubi supra lib.3.tit.3.num.7. (di-
uersa inquit ratio est in supremo quodam Principatu co-
ronæ addito muliebris dotis nomine, nam à foeminis in-
choatus licitè ad foeminas reuoluitur iure hæreditario
putà Neuarriæ Regnum &c.) qua verba maxime pro
nobis concludunt, quia ut supra tetigit Author noster
Ducatus Brittannia per foeminam intrauit in coro-
nam Franciæ, & faciunt ad hoc qua de feudo femineo
dicunt Doctores, quòd ab eo femina non excludantur ad
allegatos per Leopold. Hackelm. disp. illust. 18. Thes. 10. in
princ. Hartm. Pist. quest. iur. civil. lib. 2. par. 2. q. 34.
numero 18. Henrich. Rosenthal. in synop. feud. volum.
2. c. 7. concl. 35. & seq. & in maioratu idem tenes Burg.
de pac. ad l. Tauri in probem. fol. 21. num. 131. vide ta-
men Gorbos. anten. in disp. feudal. 6. Thes. 2. lit. B.*

*m Et quod in hoc Comitatu non habuerit locum lex Salica, re-
statutur idem Renat. Choppin. de dom. lib. 3. tit. 6. num. 18.*

*n Vide Auiles in cap. prator. ver. istas, & cap. 6. in ver. tierra
Burg. de pac. ad l. Tauri 1. num. 451. & Iacob. Car. Bru-
gens. lib. 2. var. quest. cap. 46. fol. 106.*

Imprimatur.

Petrus Antonius Ghibertus Locumtenens.

M. Corn. Tiroboscus Ordin. Prædicat. Cur. Archiep. Theol.



